

8038
3843
v.9

山林經濟
九

BERKELEY
LIBRARY
UNIVERSITY OF
CALIFORNIA

Carpenter

消痰膏方文

杏仁

南星

赤芍藥

白芷

何首烏

五倍子

香附子

桂枝

生附子 各五錢

生石菖蒲

生商陸

生百合 開白花有香

生山藥 各二兩半 或二兩

生薑

葱白 各一握

大蒜

生蛇一首

熊膽一錢

增補山林經濟卷之十四目錄

救急

一自縊死

三凍死

五猝死

七鬼擊

九客忤猝厥

十一痰厥

十三蛇厥

十五氣厥 附中氣

二溺水死

四入井死

六中惡

八鬼魔

十尸厥

十二食厥

十四血厥

十六中風

麝香

七分

黃丹

十四

真油二沙鉢

右先油煎焦乾藥

去滓再煎焦生藥

又次焦煎生蛇皆玉

滓後先和熊膽

次和麝香黃丹而秋

夏熱時極調硬春

冬寒稍柔滑而大抵

膏之濁滑專存於

入黃丹多少臨調以柳

枝不佳手調均滴水成

珠不散為度或加乳

香沒藥唐貝角各三

錢

十七中暑

十八中寒

十九傷寒

二十陰陽易

二十一脫陽

二十二霍亂

二十三攪腸沙

二十四猝心痛

二十五猝腹痛

二十六猝疝痛

二十七猝頭痛

二十八猝吐血

二十九猝衄血

三十九竅出血

三十一毛竅出血

三十二血暈

三十三船運

三十四猝癲狂

三十五狐魅

三十六大便不通

赤白帶下症治法

赤帶用白葵根或花

白帶用赤葵根或花

單煎服五錢重三四

五貼若血不足則入

四物湯中用湯或兼用四物

加味四物湯

葵花根五錢

麻茸

五錢或二三錢
隨力用之

熟地黃

各一錢半

白芍藥

川芎

五靈脂

玄胡索

吉更

氣血寒則二種按

陳皮

甘草

縮砂

各一錢

五卜

七卜

三十七小便不通

三十八咳逆

三十九猝噎

四十猝失音

四十一急喉閉

四十二失欠脫頷

四十三眼睛突出

四十四腸頭出

四十五重唇

四十六唇腫

四十七舌腫

四十八腦背腫

四十九疔腫

五十蛇纏瘡

五十一貓眼瘡

五十二櫻桃瘡

五十三燎疱瘡

五十四天疱瘡

五十五陰蝕瘡

五十六鍼瘡出血

治蛔蟲法

動蛔煎蜜一鍾次和鹽
二匙乘熱服

水蛭十五六條入竹管吹入

喉中即差

治蛔蟲及蛔蟲膏腹痛

人參

乳薑

良薑

卑椒

桂皮

胡椒

胡椒

苦菜

肉豆蔻

楠砂

丁香

各二兩

各一兩

大南瓜一箇以刀割出蓋孔如

小鍾大去瓢又用清蜜二周

鉢化均藥末入南瓜內以原

蓋上定以紙裹定又以泥厚

塗極土入南瓜以火圍燒之待

五十七破傷風

五十八丹毒

五十九癰疹

六十諸中毒

六十一飲食毒

六十二熱麵毒

六十三豆腐毒

六十四燒酒毒

六十五酒汁毒

六十六諸獸肉毒

六十七諸禽肉毒

六十八諸魚毒

六十九蠐毒

七十食膾不消

七十一食魚肉不消

七十二魚肉蔬菜毒

七十三諸菜毒

七十四菌蕈毒

七十五苦瓠毒

七十六海菜毒

一日爛熟後去泥節下任食之

治疔症

癰疔重墜大如杯者以
仁用東壁土炒黃色後水
煮爛入砂盆內研成膏每
用無灰酒調下二錢即消
屢試屢效

四炒川蓮丸

治疔百發百中

七十七諸果毒

七十八諸藥毒

七十九石藥毒

八十金石藥毒

八十一金銀銅錫鐵毒

八十二蠱毒

八十三馬毒

八十四烟熏毒

八十五湯火傷

八十六熱油傷

八十七金刃傷

八十八砲矢傷

八十九打撲傷

九十墮壓傷

九十一骨折筋斷傷

九十二手足折傷

九十三肢節解脫

九十四耳鼻舌傷斷

九十五陰囊破傷

九十六杖傷

九十七人咬傷

九十八熊虎咬傷

九十九牛觸腸出

一百馬驢咬踢傷

百一犬咬傷

百二猪咬傷

百三猫咬傷

百四鼠咬傷

百五蛇咬傷

百六蜈蚣咬

百七蜘蛛咬

百八蠼螋傷

百九蜂螫傷

百十雜虫傷

百十一諸傷辟蠅蛆法

百十二諸虫入耳鼻

百十三誤吞諸虫

百十四誤吞諸物

百十五諸骨鯁咽

百十六芒刺在咽

治食冷肉心脾發痛不可

忍

以陳菜莢五六十粒水一

大盞煎取滓又入平胃散

中再煎熟服日再服

治淋

日服冬瓜三大瓠七日而愈

鹽醫蝎毒

昔有人病腹大夜間蛭蝎鳴

于身有人教用鹽水浸之而

愈

崇寧末年隴州兵士暑月

在倅廳前洗足廳下為蛭

蝎所中遂不救後數日卒有

人被其毒傳識者教以先飲

鹽湯一盃次以鹽湯浸之足

乃愈

百十七諸物入目

百十八飛絲入口舌間

百十九匙着口中

百二十諸物入肉

百二十一魚骨在肚

百二十二胎漏胎動子懸

百二十三難產

百二十四胞衣不下

百二十五產後諸病

百二十六陰病

百二十七血崩帶下

百二十八小兒初生急病

百二十九小兒客忤中惡

百三十驚風

百三十一吐瀉

百三十二疳瘡

百三十三瘡疾

百三十四癰癰

百三十五虫痛

百三十六痘瘡

治疹陷

瘡疹黑陷者用沉香
乳香檀香不拘多寡
于大鉢內焚之抱後兒于
煙上薰即起
痘云色黑倒靨口冷用
狗蠟七枚搗碎和醋酒少
許調服 蠟冬則藏狗耳
中
痘後餘毒目不辨人用蠟
蛻一具淨洗焙燥天花粉
細末以羊肝破開入藥在內
麻皮縛定用泔水煮熟
切食之旬餘而愈

百三十七麻疹

神仙太乙紫金丹方

增補山林經濟卷之十四

救急

居在山林隔遠城邑沈痼痼留之病固可尋醫問証試以鍼藥而若值猝急之疾束手罔措遂致有大折者矣茲錄

救急之方

秦皮消毒

有人為虫所毒舉身潰爛
醫曰此天蛇所螫以秦皮其
有腫起以針刺之有物如蛇
一面家忽病癰有傳曰此天蛇
毒耳用秦皮取汁一斗令其
恣飲初日減半次日頓愈
天蛇或云草間黃花蜘蛛

一自縊死○自縊死者自朝至暮雖已冷必可活自暮至朝則難
活心下微溫者一日已上猶可活當徐徐抱下解之不可截斷
繩子令安卧被中一人用手厚裹衣物緊填穀道勿令泄氣一
人以脚踏其兩肩手挽其髮常令弦急勿使縱緩一人以手據
按胸上數摩動之一人摩擦臂脛屈之伸之雖得氣從口出呼

治產後頭足忽相接相去
二尺用大豆紫湯獨清湯
而愈獨清湯連進三劑即
差神效

解暑

有人中暑昏仆而死用大蒜
一握通上熱土雜研爛以新
汲水和之瀉去滓灌之有
頃即甦

吸眼開仍按引勿止更令兩人以竹管吹兩耳勿輟○急刺雞
冠血滴口中即活男雌女雄又取雞屎白如棗大酒灌鼻尤妙
又取樛上塵如大豆許納竹管中四人各執一管同時極力吹
兩耳鼻中即活○又取半夏末或皂角末或細辛末吹入鼻中
得嚏即甦須臾火與溫粥清令喉潤漸漸嚥下

二溺水死○溺水死者一宿尚可救急急按出先以刀挽開口放
箭一枚啣之使可出水然後解去衣服多灸臍中二三百壯令
兩人以筆管吹其兩耳又取皂角末綿裹納穀道中須臾出水
即活○又以鴨血灌口中又將醋半盞灌鼻中又用蘓合元半
斤薑湯調灌即甦○又法取竈中熱灰一二石埋其身只出頭

面水出七孔即活○又法將牛一頭橫載死人腹覆牛背上兩
邊用人扶策徐徐而行則水出亦活○用竹管削尖一端納于
肛門令人熱手按腹則水從便出若值天寒多用綿絮甌中蒸
熱包裹全體冷則易之令暖氣透徹內外即活此法真箇起死
回生也

三凍死○凍死而四肢強直口噤只有微氣者用大釜炒灰令熱
帝盛熨心上冷則易之口開出氣然後以溫粥清或溫酒或薑
湯稍稍灌之即甦若不先溫其心便將火灸則冷氣與火爭必
死○又法用鹽或藁薦裹死人以索繫定放平穩處令兩人對
面輕輕滾轉往來如捍鹽法四肢溫和即活落水凍死者脫去

濕衣以生人所著之衣乘濕包之救法如上法

四入井死○夏月淘井多致殺人五六月尤甚深井中皆有伏氣

若入則令人冒悶奄忽而死身尸青黑了無傷痕者此其中毒

也即取井水噴其面並冷水調雄黃末一二錢服之轉筋入腹

痛欲死者使四人捉住手足灸臍左邊許方曰左右二寸十四壯又

用生薑一兩剉好酒五盞煎頻服又醋煮衣絮令熱徹濕裹

轉筋處又濃煎鹽湯浸手足洗胸脇間即甦凡欲入塚井者當先試之法以雞羽

投井中毛直而下者無毒毛迴旋而舞似不
下者有毒以熱醋數斗投井中則可入矣

五拌死○凡暴亡不出一時可救之雖氣閉絕四肢冷若心腹溫

鼻微溫目中神彩不轉口中無涎舌與陰卵不縮者皆可活也

○凡猝死者口脹目開手散遺屎為虞宜補氣目閉口噤手拳
為實宜發表○救猝死急取皂角末或半夏末吹入鼻中即甦
○取南星細辛末如無則取樛上塵吹入鼻中得嚏即甦○雄
雞冠血灌口中又用竹管吹入鼻中又牛黃或麝香一錢溫酒
調灌即甦○胡麻油半合和薑汁灌之甚效○薑汁多灌之亦
活○蘊合元或備急丸三丸溫酒或薑湯或童尿調灌如口噤
則幹開口或折齒灌之○鍼灸法鍼人中無鍼則以大指爪甲
掐刻○急灸人中及隱白在足指內側去
爪甲角如韭葉又灸臍中百壯即活
○卧宿奄忽而絕急取雄雞冠血塗面乾則復塗又以灰繫死
人一周勿以火照之但痛嚙其踵及足母指甲際而多唾其面

即活又以井底泥塗目令人垂頭於井中呼其姓名便起○驚悸
猝死以溫酒多灌之○大醉行房猝死以冷水多灌之即活○
凡猝死氣塞也以水噴面醒心通氣也

六中惡○凡人暮夜登廁或出郊野或上塚墓或游空室忽眼見
鬼物口鼻吸着惡氣驀然倒地四肢厥冷頭面青黑兩手握拳
口鼻出血須臾不救此證與尸厥同但腹不鳴心腹俱暖而異
心頭溫者一日亦可活切勿移動其尸即令眾人圍繞打鼓燒
火或燒麝香安息香直候記省人事方可移歸○先用蘓合元
三九薑湯或溫酒和下○葱取半夏末或皂角末吹兩鼻中即
活○又取葱黃心刺鼻中入深四五寸令目中出血即活○取

故汗衣

須用內衣久
遭汗者佳

男用女衣女用男衣燒灰為末每二錢百

沸湯調下

麝香一錢研和醋二合服之便差○生薑汁醇酒

各半盞同煎百沸灌之○白犬斲頸取熱血一升灌之○韭汁

灌口鼻中一方灌耳中○葱蒲搗取汁灌之○桃梟酒磨服之

○黃丹一錢蜜三合和服○使人尿其面上又以童尿灌口中

○鍼灸法灸百會九壯人中七壯臍中氣海百壯○上唇裏弦

有白赤米以鍼決去之

七鬼擊○此等病皆得之無漸卒著人如刀刺狀胸腹疼痛不可

按抑或吐衄下血治法同中惡○犀角五錢末硃麝香各二錢

半為末每二錢新汲水調灌○以好酒吹納兩鼻即差雞白屎

麻一握酒七升煮取三升熱服發汗汗不出則熨斗盛火照兩
脇下汗出即愈○血滿腹中煩滿欲死雄黃末吹入鼻中又酒
調一錢服日三能化血為水○灸人中立差不差則更灸○灸
臍上一寸臍下一寸七壯

八鬼魘○人到客館及久無人冷房睡中為鬼物所魘但聞其吃
吃作聲便令人叫喚不醒乃鬼魘也不急救則死不可延前喚
但移動些火卧處徐徐喚之又不可以火照之若元有燈則存
之無燈則切勿點燈痛咬其足跟及大拇指甲邊多唾其面方
藥以水仍用竹管吹兩耳又取半夏末或皂角末吹兩鼻中即活
○樛上塵吹入鼻中又以新筆尖刺鼻孔男左女右轉輾運動

則卽起○宜用麝香蘓合元○伏龍肝末二錢并水調灌服更吹入鼻中又生韭汁灌口中及耳鼻蘓白汁亦可○若仰臥以手覆心則魔不得寤但捺下心上手然後徐徐暖覺傍人手及他重物皆然大法宜與鬼擊同治

九客忤猝厥○客忤者中惡之類也多於道間門外得之令人心腹絞痛脹滿氣衝心胸不卽治亦殺人取百草霜五錢鹽一錢和研溫水調下○又取鹽雞子大青布裹燒赤研納酒中頓服當吐惡物又取細辛桂心爲細末納口中○蘓合元以薑汁或溫酒或童尿調灌○熟艾一兩水煎取汁頓服卽差○銅器或瓦器盛熱湯用厚衣襯腹上於衣上熨之冷則易便愈○以皂

角末吹鼻或研韭汁灌耳中○灸臍中百壯

十尸厥○尸厥者即中惡之類身脉皆動而形無知其狀若尸故名曰尸厥凡吊死問疾或入墓登塚卒中邪惡手足逆冷頭面青黑牙關緊急暈倒不知人或錯言妄語又腹中氣走如雷鳴聽其耳中如微語聲者是也急取蘊合元三炷溫酒或薑湯灌下又取故汗衣燒末詳見中惡又薑蒲汁灌口中又薑汁酒各半盞煎百沸灌下仍以竹管吹其兩耳即甦○鍼灸法鍼人中至齒立甦○灸百會七七壯氣海關元各三百壯

十一痰厥○痰厥暴盛不省人事喉中如曳鉅聲急取清油多灌之即吐痰而愈又竹瀝和薑汁以許多灌之又清心元一炷調

竹瀝和薑汁灌下又雞子黃三枚和童溺灌下並即匙

十二食厥○食厥者多因飲食過度飲食之後或者氣惱變為異
常急暴之疾口不能言目不識人四肢不舉急煎薑湯多灌
探吐之即匙

十三蛇厥○蛇厥之症心腹疼痛暴作暴止惡心嘈亂時煩嘔吐
冷涎青水面色青黃口唇紫黑色變不常者是也若貫心則殺
人甚急使君子肉一兩水煎服又苦練根白皮一兩濃煎調檳
榔末一錢五更頭頓服凡上半日出頭向上前一日不食夕飯
至夜半後先炙猪脯令香臭穢鼻即細嚼嚥汁隨即頓服蓋虫
飢求食之時也痛時則不拘○方痛之時不宜飲食且食甘則

痛復劇藥出食甘則起食酸則醉食辛則伏食苦則止○酸石
榴根皮二斤橫柳十枚水七升煎至二升去渣以粳米煮稀粥
平朝空腹食之少間虫並死快利○又法苦練根取白皮二兩
水二椀煎至一椀半去渣用晚粳米三合煮糜粥空心服○服
藥殺虫法先以炒肉一二斤吃引虫頭向上然後進藥粥一二
口以頃又一二口漸漸加至一椀或二椀其虫盡下○狐惑症
凡人病後腸胃空虛三虫求食食人五臟殺人甚急上食肺系
則喉門搔痒下食大腸下口則肛門搔痒令人不能堪以合歡
木叶子叶燃竈而坐於曲堦之上使其烟入肛門又使入口即差
十四血厥又名○人平居無病忽如死人不動搖默默不知目閉

不能開口啞不能言或微知人惡聞人聲但如眩冒後時方悟此由汗出過多血少氣并于血也婦人多有之藜蘆瓜蒂雄黃白礬等分為末取少許吹入鼻中

十五氣厥

附中氣

○氣厥多生於驕貴之人因事激惱忿怒盛極不

得宣泄逆氣上行忽然仆倒不省人事牙關緊急手足攣搐狀

如中風但口內無涎聲為異急用蘓合元或便香附末二錢薑

湯調灌即蘇不可妄用雜藥○中氣與氣厥同因與人相爭暴

怒氣逆而暈倒也氣脉多沈風脉多浮風中身強有痰涎氣中

身冷無痰涎急用薑湯灌救○若中氣而用中風藥治之多致

殺人○猝上氣

乃大虛氣聚喉閉其聲如鼾有如痰在喉響者

此為肺絕之候宜用人參膏救之用薑汁竹瀝放開頻頻服之
如未得參膏先煎獨參湯救之早者十全七八次則十全四五
遲則十全一

十六中風○猝然昏仆不省口眼喎斜手足不遂急以手大指爪
甲掐刻人中皂角末吹鼻即提起頭項髮候其噴嚏有嚏可治
無嚏不可治口噤則以烏梅肉和南星細辛末頻擦牙口自開
○取竹瀝三合薑汁一合調清心元一丸或龍腦蘓合元三丸
灌口中或多灌香油即甦○不省人事涎潮不得語側柏葉一
握葱白一握並根細研如泥好酒一鍾同煎一二十沸去滓溫
服○風痰壅盛者口眼喎斜不能言語者皆當吐之輕者取菰

蒂末一錢溫水調服重者取藜蘆五分入麝香半錢為末蘤汁調服如不吐再服之○用白礬二錢生研作末生薑自然汁調和開口灌下其涎或吐或化下便醒○口眼喎斜向左則石灰水調即於右邊塗之向右則左邊塗之候其方正如舊即以水洗下大效○身如角弓反張四肢不收煩亂欲死者清酒五升雞白矢一升搗篩和合搗之千遍乃飲之壯者服一升日三度服五合差○灸足大指橫紋隨年壯立愈

十七中暑○夏月在道中中暑死者及昏冒痰厥吐瀉喘滿大渴汗出頭疼煩躁欲死者急扶在陰涼處取道中熟塵土積心上及臍上作窩令人尿其中即活○以布巾衣物蘸熱湯熨臍中

及氣海續以熱湯淋布上令煖徹臍腹如倉卒無湯掬道上熱
土積於臍上冷則易之○以新汲水滴兩鼻孔以扇扇之重者
地漿灌之即醒掘黃土地作坎以水沃其中若與冷水飲即死
○生薑一大塊或大蒜一瓣水研灌之○童便或清醬和水灌
之又生馬通絞汁灌之蓼葉香薷煎灌又石膏一兩煮取汁灌
之即差○取大蒜一握路上日曝土雜研以新汲水和之漉去
滓灌之藥氣到腹中即甦此神人備急方也○使人噓其心令
煖易人為之○槐花軟筍濃煎服即效後不復發真末調冷水
服蜜水亦可○如驚悸妄言辰砂益元散井水調下

十八中寒○傷寒有即病有不即病以漸而深中寒則其病即發

而暴暈倒口噤四肢強直拘急嘔吐涎沫脉浮緊或微或無若不急治死在朝夕急昇置煖屋以手炙火摩病人胸腹間取熱酒蓬汁各半盞灌下兼用葱白二三升分二包熨令極熱互熨臍上冷則用水拌濡更熨之○冷極唇青厥逆無脉陰囊縮者急用葱白連根切小麥麴各三升鹽二升以手和勻熨臍上如上法又灸臍中與氣海關元各三五十壯一方曰氣海關元各灸二百壯而脉不出手足不強者死
氣海在臍下一寸五分關元在臍下三寸此寸用同身寸

十九傷寒○傷寒初症葛根汁竹瀝梔子十枚煎湯生梨汁皆效

○無論傷寒房勞與染病九味羌活湯皆有大效其方羌活防風各一錢半蒼朮川芎白芷生地黃黃芩各一錢細辛甘草各

三分入薑三片棗二枚葱白二莖水煎熟服無汗則加紫蘇葉
一錢咽痛加桔梗一錢甘草加七分頭痛苦重則羌活加為
二錢必於始痛三日內用之過累日則無效重則日再服尤重
則日三服○乾薑麝剉浸月經待其透濕炒黑作末取三錢用
月經童便各三鍾子微溫調服無論房勞染病彌留十餘日或
數十日未和解為隱熱時用之輒效

二十陰傷易○凡傷寒熱病男子病新差婦人與之交得病名傷
易婦人病新差男子與之交得病名陰易其症熱上衝胸頭重
不能舉眼中生火四肢拘急小腹絞痛手足拳即死急取延陰
處褌襠一瓦方圓四五寸男用之燒存性為末溫水調服

又室女月經布延陰處燒存性末米飲調下又人手足爪甲二十瓦燒灰末米飲調下又青竹茹一升水三升煎取一升分二服小便即利陰頭微腫即愈

二十一脫陽○大吐大瀉之後元氣不接四肢逆冷面黑氣喘冷汗自出外腎縮擣不省人事須臾不救與傷寒陰陽易同症急取連鬚葱白三七莖以酒濃煎服陽氣即回又生薑一兩研酒煎服又桂枝二兩剉好酒煎取汁服亦效又葱鹽爛搗炒熱熨臍上氣海即愈

二十二霍亂○增寒壯熱頭痛眩暈心痛腹痛不可忍不得吐瀉謂之乾霍亂吐瀉不止謂之濕霍亂也乾者以吐瀉為主鹽一

兩生薑切半兩同炒色變以童尿二盞同煎至一盞分二次服
吐下即愈又鹽一大匙熬黃取童尿一升溫和攪服又鹽湯一
椀入皂角末少許調服探吐又百沸湯合新汲水服之能吐宿
食惡毒之物和鹽服之尤妙又鹿皮或獐皮熏烟最多黃色者
水浸揉取汁頓服即吐又飲醋一二升吐下○多飲冷水蜜水
吐下為佳若痛不止再服再吐立效○濕霍亂吐瀉不止者香
薷林檎青色者皆可煎服又鍋底墨二錢百沸湯一盞投其中
急攪服吐瀉立止又生薑五兩切牛尿一升同煎取汁服即效
○牛馬屎絞汁服一盞或炒熱綿裹著小腹○吐瀉過多四肢
逆冷不省人事南星末三錢棗三枚或白礬末一錢沸湯點服

亦效又藿香陳皮各五錢水煎溫服○霍亂吐瀉之時切勿與穀

食雖米湯粟粥入胃立死必待吐瀉止過半日飢甚方可與稀

粥以漸而將息○霍亂轉筋吐瀉過多遍體轉筋手足厥冷氣

欲絕者急取香薷

暑霍不可開

或木瓜

枝葉亦可

或林檎葉

治轉筋筋脈大如桃李掌

搖不可忍者

或蘆花煎服又取蓼一把濃煎乘熱熏洗因服一二盞

○一法男子以手挽其陰牽之女子挽其乳延兩傍牽之此千

金方妙法也○鍼灸法關衝穴

無名指外邊去爪甲角僅容鍼葉連肌處男左女右最要

刺出血即差○轉筋欲絕以鹽填臍中灼艾不計壯數立效霍

亂已死而胸中有暖氣者依此灸之亦甦此法最妙

二十三攪腸法○此症心腹絞痛冷汗出脈悶欲絕與乾霍亂同

或如傷寒頭痛嘔惡渾身壯熱手足指末微厥或腹痛悶亂煩
更不救由山嵐瘴氣或因飢飽失時陰陽暴亂而致也先濃煎
艾湯試之如吐則是也蚤退紙燒為末熱調服立效又多飲鹽
湯吐之亦愈○鍼法以鍼刺其十指背延爪甲半分許血出即
安先自兩臂按摩下其惡血令聚指頭刺之又法以手蘸溫水
於病者膝內打拍有紫黑點處以鍼刺去惡血即愈又法兩臂
腕中有筋必致黑色用砭鍼擊刺出紫黑血痛即止○延海之
地有急病似霍亂土人急之曰殺腹痛不急治則能殺人其治
法以絲繫縛兩臂中部之上下有青黑脉突起於尺澤延處尺澤
在肘中動脈而或兩臂皆出或只出一臂隨其突起以鍼刺三
中禁鍼深

分許出血如射其病即止百不失一此與殺音相近臂腕出血之法又與之同所謂殺腹痛似是攪腸沙也

二十四碎心痛○藕合元五六九薑湯或溫水調服或生雞卵入醋攪服或百草霜末二錢熱尿調服又多飲鹽湯探吐痰出病即止又能膽豆大水和服又玄胡索二三錢溫酒調服艾葉濃煎服之又葱白湯亦好韭汁去血痛蒜汁治急痛若煩燥則豉五合以水三盞先煮至半去滓入梔子十四枚再煎取一盞去滓服又食刀頭盛鹽一匙置炭火上待紅細碎納于一甫兒水搗和灌之頑更吐出即愈

二十五碎腹痛○桂枝或乾薑或胡椒或川椒煎服○黑丑頭末

葱白湯調服大便通利即止○

鐵炭法獨陰

在足大指次指內中節橫紋當中男

左女大敦

在足大指端去爪甲如韭葉如前三毛中

並灸氣海

見十

三十壯

一切

心腹胸脇腰背痛川椒末醋和為餅貼痛處熟艾鋪餅上燒艾

痛即止

二十六粹疝痛○小腹痛不得大小便名曰疝疔痛自臍下上衝

名曰奔豚凡疝痛上連胸脇甚則外腎縮入咬牙反張冷汗如

洗頭更不收取川烏梔子仁並炒各二錢酒水各半盞同煎入

鹽一撮或加薑服立效又沙參或桂心或橘核或葱白或玄胡

索或牛膝莖或末服或湯服即差沙參常服至效○蛇皮或蛇

鼠四足燒灰酒調服青鼠足黃獾足亦好又茴香莖葉搗取汁

熱酒各一合調服即差○蜘蛛散用蜘蛛十四枚熬肉桂五錢

為末大人一錢小兒五分空心酒下或蜜丸服之甚妙○灸法

獨陰見二十五灸五口角穴以薑稈量病人口吻如一字作三摺○如此樣以一角按臍心兩角

在臍下兩傍盡處是穴二七壯○炒鹽熨痛處○千年尾三七介碎作栗子大

列置臍下至橫骨上灸之以陰囊出汗為限○小兒胎前偏墜

囊縫後十字紋上灸三七春灸夏灸冬灸又癰疽鉗鉗取

罽囊中水液或穢液即愈靈樞真訣也

二十七猝頭痛○頭痛如破是胸膈有痰飲厥逆氣上衝所致單

煮茗飲一二升探吐之吐畢又飲又吐如此數度即差又皂角

末吹鼻令嚏亦止○頭痛不可忍是風痰所致梔子末和蜜濃

付舌上吐即止○頭痛連齒者各厥逆頭痛宜白附子散白附子一兩麻黃不去節川烏大南星各五錢全蝎五介乾薑朱砂麝香各二錢半湯末酒調一字即二分服服訖去枕卧略睡少時即止

二十八碎吐血○吐血危重者百草霜末三錢井水調服即止又蒲黃炒三錢冷水調服又松烟墨濃磨汁飲之又韭菜汁飲之又生地黃生藕生梨搗取汁磨墨徐徐服之即止又藍葉汁服之

二十九碎衄血○衄血不止者百草霜三錢水調服又吹鼻中又萱草根汁一盞生薑汁半盞相和細呷又亂髮灰水調一錢服

更吹鼻中

一方病人頭髮灰吹鼻中

又人中白火煨入麝香少許研酒服更

吹鼻中○生地黄三五斤搗汁連服以滓塞鼻中又蘿菹取汁

和酒飲之○糯米炒黃為末二錢新水調服即止棗肉以病人

涎調付血不出邊又牛膝車前葉根和蜜服○以井水濕紙貼

頂心上如左鼻翳以練札左手中指右鼻翳札右手中指兩鼻

翳兩指俱札即止又以大白紙一張作十數指浸水令濕置頂

中以熨斗熨之至二三重紙乾立止○勿令病人知以井華水

忽然拭其面即止○大口魚皮蘸水令濕塞鼻中亦止

三十九竅出血○人猝大驚則九竅血皆溢出血或四肢指歧間亦

出血取井水忽噴面即止勿令病人先知○小薊汁草薊解名

大小薊皆相似但薊高三四尺葉皺小薊高一尺許葉不皺

與酒各半盞調和頓服又新屠

猪羊血熱飲二升即止○沙蔘側柏葉末各一錢半入白麵三

錢水調如糊服即亦止

三十一毛竅出血○遍身毛竅節次出血若不消皮膨脹如鼓須

更眼鼻口被氣脹合此名脉溢飲生薑汁一盞即安

三十二血暈○一切去血過多則必致眩暈悶絕凡崩中去血多

按牙齒去血多金瘡去血多產後去血多皆有此症急用芎歸

湯川芎當歸各五錢連進數貼即甦○出血過多昏迷不省生

地黃三五斤取汁連飲不暇取汁則生吃呷汁以滓塞鼻

三十三船暈○乘船大吐瀉頭旋眼花支體厥冷欲死急取枯白

礬末一錢百沸湯點服無則鹽一匙醋一酸同煎服或鹽梅酸
鹹皆可煮服○暈者渴飲水即死飲童溺最好自己尿亦好
三十四猝癲狂○猝癲狂妄言罵詈不避親疎或棄衣而走登高
而歌或披頭大叫不避水火且欲殺人宜奪其食取鐵液常飲
之○苦參蜜丸梧子大每十丸薄荷煎湯下○地龍十餘條研
爛入薑汁薄荷汁蜜各一匙井水調灌之○臘雪水多飲之又
野人乾漬水飲之並效○人發狂悲泣呻吟此為邪祟或歌或
哭或吟或笑或坐溝渠啖食糞穢或裸體露形晝夜游走或向
壁隱伏不欲見人取蚕退紙燒火二錢酒調下○穿山甲燒灰
水調服又半天河水叶早子早叶皆叶
二早司且引以是與飲之勿令知又虎豺

肉煮食又桃梟

桃實已乾者木上經冬不落者正月十二月採以中實者為良一云千葉桃花結子在樹梢上

不落者亦神效云

酒磨服並即差

○白狗血飲之又葶麻仁湯常服又

敗天公

只引此日引此日

燒末酒調服之○取鷲並羽置兩尾間縛以

藁索塗以黃泥埋火中燒存性作末和酒或米飲服

三十五狐魅

○著狐魅精恍惚走巡山野謂之狐魅取狐肝炙為

末水服一錢日三又取腸肚作羹臠食之又鷹肉食之嘴及爪

燒灰末和水服又取狐狸皮鼻端黑處為末酒調服並效

三十六大便不通○大便久不通腹脹煩悶大麻子研取汁煮粥

食之又牽牛子半生半炒搗取頭末二錢薑湯調下又猪膽如

雞子大熱酒調服又皂角燒灰末一錢米飲調下又萱草根搗

取汁服之○又法生田螺三箇鹽一匙和殼同搗罨臍下一寸三分用帛包繫即通又令患人仰卧白礬末置臍中以新水滴之冷透裡即通○葶麻子油一大匙以粥裹喫之即通累試輒驗○生桔梗浸油醬入肛門即通

三十七小便不通○小便猝不通臍下脹悶車前子取汁一盃入

蜜一匙調服又地膚草叶以取汁飲一盃又篇蓄名叶汁飲一

盃又瞿麥石竹草實濃煎服又蚯蚓搗爛冷水瀝過服半碗又蜷蛄

活者一枚研入麝香少許調服並立通○紅花苗一握剉煎服

○生猪膽連汁籠住莖頭少時汁入尿自出婦人以汁灌陰中即通又田螺生搗罨臍上○萬苣搗爛貼臍上並即通又葱葉

除尖頭納陰莖孔中三寸許令人用口次氣入即通○以磁瓶
滿盛水以紙封瓶口病人臍內入鹽一捻倒置瓶口覆在臍上
偃卧如覺冷小便即通○炒鹽數斗盛布熨下腹冷則易之

三十八咳逆○傷寒及久病得咳逆皆為惡候取半夏五錢生薑
二錢細剉水煎服○蘓合元三升生薑柿蒂煎湯調服即止○
皂角末吹鼻得嚏而止又作又嚏凡百餘次遂止又硫黃二錢
乳香一錢末酒煎急令病人嗅其熱氣即止○刮取春杵頭細
糠吞之即效

三十九猝噎○猝噎食不下刮取春杵細糠吞之

四十猝失音○失音不能言杏仁桂心各一兩末蜜丸櫻桃大綿

裏含花鹽之又橘皮濃煎湯頻服又苦竹葉或荊芥蘓葉濃煎服立效

四十一急喉閉○會歌為吸門其兩傍腫者謂之雙乳蛾易治一邊腫者謂之單乳蛾難治通謂之喉閉此證先數日胸膈氣緊取氣短促忽然咽喉腫痛手足厥冷氣閉不通死在頃刻急用白礬末半錢烏雞子清調灌立效○石蟬搗取汁灌之叶又蟻蟾汁灌之叶又雄雀屎研細半錢溫水調灌並即愈又馬蘭葉或根或花搗取汁灌之又射干根叶早月汁灌之並妙又皂角水浸按取汁一酸服之即愈○又法巴豆肉以紙壓出油作燃子點火吹滅以烟熏入鼻中即時口鼻流涎牙關自開又巴

豆肉綿裹塞鼻中立通○喉閉枯白礬末吹入喉又蔥苢仁七枚含之○咽喉閉塞遍身浮腫牛蒡子一合半生半熟為末酒調○急喉痺生油一合灌之如未效急解髮令散當頂心取方寸許急捉痛拔火頃當通○凡喉閉急發速用鍼刺出血並吐痰涎為要若遲緩不救則死關上血泡最宜鍼關下不見者分病人含水一口用蘆管尖刺鼻孔出血有鍼瘡者薑汁調熟水時時呷之○灸法中封在足內踝前一寸仰足取之五十壯又灸大杼在第一胸下一兩半傍各一寸五分百壯○吐法冬月青魚膽用白礬入內隔用加百草霜炒鹽少許醋調以鴨毛蘸藥引吐痰出如無魚膽用白礬半兩巴豆十枚同枯過去巴豆用礬每一字吹入喉中吐出痰血立愈○猪牙

皂角白礬黃連等分瓦上焙過末以半錢吹入喉中其頃吐出膿血立愈

四十二失欠脫頤○因呵欠牙車嗟跌口不能開合漿水不入以致不救取酒灌之令大醉睡中吹皂角末入鼻令嚏即自正又鹽梅肉二箇擦牙即開又南星末薑汁調付以帛縛合一宿自愈又法令一人抱定病人頸一人以手指牽其頤以漸推之復入矣當疾出其指恐咬傷○黃蠟照火作瓦黍熟貼付緩邊限差

四十三眼睛突出○眼睛無故突出一二寸以新汲水灌漬睛中數易水睛自入仍以麥門冬桑白皮山梔仁各一錢水煎服○

眼睛垂出至鼻如角黑色痛不可忍或時時大便出血名肝脹
羌活煎服愈○眼睛被撞打出若眼系未斷即推入睛內於四
畔以生地黄細搗厚付不令風侵若內有瘀血鍼刺出之自愈
四十四腸頭出○大人小兒腸頭出百草霜五倍子為末醋熬成
膏搗毛塗之即入

四十五重唇○口唇緊小不能開合飲食不得不急治則死此亦
奇病名重唇急服薏苡仁湯薏苡仁防已赤小豆炒甘草炙各
一錢半需用黃柏二兩以五倍子蜜陀僧各二錢甘草二分為
末水調塗黃柏上炭乾再塗再炭藥盡為度然後將柏作薄片
臨卧貼重唇上天明即愈又白布作燈炷如指大安斧刃上燃

炷令汗出拭取付唇上日二三度故青布亦佳猪脂調付尤佳
又用青皮燒灰猪脂調搽唇上仍將青皮灰末每一錢酒調服
之又蛇退皮或蟻蛸古以燒為灰猪脂調傳

四十六唇腫○唇腫生鼠剖腹去腸腑和血付之雖毒腫無不即
差○六月採乾笠茸浸水取汁以雞卵頻塗即效

四十七舌腫○舌猝腫如猪胞狀滿口此患人多不識失治須臾
死不得食者亦死急取百草霜末醋調付舌上下脫去再敷須
臾自消又井水嗽口皂角刺燒灰入龍腦小許糝舌上下出涎
即差又蒲黃末頻糝之黃連煎湯頻呷之又草麻子取油蘸紙
撚燒烟熏之即愈○鐵法急用鐵刺舌下兩傍大脉出血又刺

舌尖或舌上出血即消切勿刺舌下中央脉血不止則死若誤
刺以銅筋火燒烙之○舌上不收名曰陽強傷寒熱病後舌出
寸餘累日不收以瓦腦為末糝舌上應手而縮須用五錢方愈
○產婦舌出不收以朱砂傳其舌令作產子狀以兩女扶掖之
乃於壁外置瓦盆墮地作聲聲聞而舌收

四十八腦背腫○凡癰疽發腦發背至險必死宜用酒洗大黃及
甘草每三錢煎服○忍冬花與葉生搗煖酒調服又槐花四兩
炊入酒二椀煎服○麻油一升煎十餘沸候冷入好酒二椀和
勻分五次一日夜盡服○薜荔葉爛搗研絞取汁和蜜飲之數
次澤付瘡上下利即愈○腫發背欲死雞腸草搗付又伏龍肝

末酒調厚付頻易○背腫麕黃色石如鵝卵者猛火燒令赤醇
醋中投入自有石屑落醋裏頻燒至石盡取屑晒乾為末醋調
塗之○腫毒所及處以狗膽墨汁和乾蒜根汁圍塗之愈頻愈
好待其毒暈少挫漸次進塗以至腫頭之傍毒氣會腫頭成膿
破腫後付粘米飯最善吸膿榆根皮搗付亦好○腦後髮際腫
初起時取栢枝如指大者削作馬蹄樣揷於傍火灰中乘熱點
烙腫處以差為度○腦腫初發時以無砂黃土和水造罐如煎
膠陶罐而通其底安於腫處滿盛地龍又以其土作蓋而亂鑿
衆孔置於地龍之上用艾大炷四五列於其上而灸之俟其地
龍盡消更納更灸連日不輟則腫自消○腫初發不知瘡頭以

濕紙付其上先乾處是也○灸法凡癰疽生於腦背初如粟米
大或痛或痒因作赤色人皆慢忽不治不過十日而死但於
瘡上灸二三百壯無不愈但早覺早灸為佳始發一二日十灸
十活三四日五六活五六日三四活七日則不可灸惟頭面諸
陽所聚艾炷宜少而少灸之

四十疔瘡○疔瘡初發突起如疔蓋故謂之疔生黃疱中或紫
黑色初發必先痒後痛先寒後熱四肢沉重頭痛心驚眼花若
大重則嘔逆多因食自死牛馬禽獸肉而發殺人於一二之內
發在手足頭面胸背骨節間者最急其餘處為緩又有紅絲疔
魚臍疔其毒尤甚○治法取蟾酥菜豆許置舌上仰臥取汁嚥

下又鍼刺疔心納一丸於中紙貼護之神效又蜈蚣性平取

心下肉貼疔上半日易新者又斑蝥性平一箇捻破以刺疔上封

之又蒼耳性平莖葉燒灰醋塗之又白狗糞和水絞汁服澤付

疔上又馬齒莧性平搗和頭垢封疔上並神效○疔初發時牛

蒟子吞一粒其頭即出以真末作餅孔之用黃蠟銕點又白礬

熔化少許入鹽水古浸之一晝夜即解一方礬入鹽水煮又生

大豆一握嚼和涎塗之手足疔效○取桑枝如指大者削作馬

蹄形挿於燭火灰中熏熟點烙疔處以差為度○疔腫危重將

死取土蜂窠一箇蛇蛻金者一條盛器中黃泥固濟火煨存性

湯末每一錢空心好酒調服以頃腹中大痛痛止而其疔已化

為黃水矣又甘菊葉

一方無甘字

搗取汁飲一升又取莖葉搗付疔

上即愈並神效

一方冬用根要死亦神效

○紅絲疔急鍼其絲出血取白管

汴滴孔中

○

魚臍疔取絲菰葉連根蔥韭葉爛搗取汁和酒

服以滓隨瘡左右貼腋下或膀下即安又蛇蛻燒灰雞子調付

瘡上

○

吸疔毒法取大蜘蛛一箇放瘡上自啞其毒連易三五

箇其毒自敗如蜘蛛困則沉水中以活之為妙又取蚯蚓八九

條搗酒蘘飲之滓貼四圍留頂出毒氣○炭法大蒜搗爛塗疔

四圍留疔頂上以艾炙百壯以爆為效不爆難愈○手指忽腫

痛不已地榆煮作湯漬半日愈又黃泥水調塗指周匝厚一寸

許納熱灰中煨之令燥視皮皸即愈○凡毒腫初發土蜂窠上

細土醋和為泥付之柳葉箬皮入鹽水許煮洗之○人鬚燒付
之又鹽湯溫洗日三次如已成膿白丁香即雄雀屎也塗之立潰

五十蛇纏瘡○身工及頭面肉上浮腫如蛇狀取兩滴階磚上苔
痕一錢水化開塗蛇頭立效○瘡有頸尾儼似蛇形初起宜備
蒜於頭上灸之雄黃為末醋調付之又酒調服之○遍身生瘡
狀如蛇頭取臘礬丸每服百丸大有神效其方黃蠟二兩入明
白礬末四兩衆手和勻作丸梧子大溫酒或熱水下

五十一貓眼瘡○面上及遍身生瘡似貓兒眼有光彩無膿血但
痛痒不常多喫魚雞韭葱自愈

五十二櫻桃瘡○項上生瘡如櫻桃大有五色瘡破則項皮斷但

涎日飲牛乳自消

五十三燎瘡瘡○殫身生燎炮如甘棠梨每箇破出水內有石一
片如指甲大瘡復生抽盡肌膚肉不可治三稜蓬朮各五兩為
末分三貼酒調服自愈

五十四天庖瘡○因男女房室傳染有蝕傷鼻眼腐爛陰莖或筋
骨疼痛支體拳攣與癰無異或皮破骨爛口臭難當以至於死
○治法香油二斤入水一盞至白烟起收貯每黃酒一鍾入油
一盞溫服日三盞則全愈又鴨一隻餓三日只與白水飲之用
輕粉一兩粳米飯四兩拌勻喂鴨待吃盡以葦根槌碎泡水令
鴨飲之解去輕粉之毒待鴨毛落盡煮食之○木通葶藶同煎

服外用野菊棗木根湯洗之○水銀棗肉和津唾同研作泥唾
乾或溫房取乾盛於烟竹吞烟輒漱口神效

五十五陰蝕瘡○凡男子陰莖生瘡變紫黑色蝕其莖盡則死漢

礪急流水中石下有山螺傳石而生形細而長取來火上炒去

肉取殼火煨為末先以葱白黑豆煎水洗後以香油調付即生

肌而合神效又地骨皮煎水洗後地骨皮末糝之又亂髮灰付

之又鼓一分蚯蚓濕糞二分研塗之並效○石菜石菜作泥付

於蝕處即差最效又假梧桐州煎水溫洗蝕處三日則虫自

出仍差○多年盛鹽石以水濃煎洗之○男子陰腫痛不能堪

者蕪菁根搗付○陰莖瘡痛黃柏煎汁洗之更為末付之又蜜

煎甘草塗之○男子陰瘡發毒皮肉毀爛諸藥不效生松脂
塗患處以木葉及軟帛裹之松脂乾即愈○陰邊生瘡及陰濕
痺皮薄裂及濕痒停水處桑根皮煮汁洗之○陰痒生瘡胡麻
子即黑脂麻嚼付○陰囊濕痒汗出鑄鋏孔中黃土細末摸之又黃
大豆生嚼付之又車前子煮去滓洗之

五十六鍼瘡出血不止○人屎燒灰付之

五十七破傷風○凡瘡瘍未合風入為破傷風濕入為破傷濕害
人甚急瘡口平無汴者中風也邊自出黃水者中水也欲並作

瘡

瘡者口喙角弓反張者是也

急治之痛不在瘡處傷經絡亦死症也初覺

瘡腫起白痂身寒熱急用玉真散防風南星等分為末每二錢薑汁調服

以澤付瘡口口噤者童便調下南星為防風所制服之不麻可
以開關定搐也傷在頭面者急用水調膏

杏仁泥白麝等分
以新水調成膏

雄黃付瘡上腫消為度又初覺急取蟻螫一二箇用手捏住待
出口中吐些少水就抹在破傷處身穿厚衣裳待片時瘡口覺
麻兩脇微汗風出立效如風緊急速取此虫三五箇剪去尾將
肚內黃水塗瘡口再滴些少入熱酒飲之汗出立效又取此虫
安瘡口上艾炙虫尾即效○若腰脊反張四肢強直口噤身冷
不省人事急用蜈蚣去頭尾足
灸黃用細末擦牙或吹鼻中吐涎沫
立甦又蜈蚣一條江鱈三錢為末每一錢防風羌活煎湯調下
又蝎梢七箇為末熱酒調服日三此乃金蝎散也凡患破傷風

非此不餘○生人十指甲脚下十指甲剪下香油研羅酒調

呼汗出便好○鍼灸法天突在項結喉下四寸宛宛中先鍼實中在兩乳間正中陷中

仰卧太衝足大指外間本肝膈第九椎下兩傍相委中膝內腘中央約

取之崑崙足外踝後跟骨上又百會頂中央旋毛中大椎小骨下第一

灸旁二椎五椎如半棗核大灸

五十八丹毒○走馬火丹用景天一名慎火草苗葉似

搗爛取汁塗之即效○石菜一名搗付之又并荅付之至效又

芭蕉汁塗之又胎水服之塗之並可○藤葉一名搗付又藍

葉汁飲之又葶麻子五箇去皮作泥入麵一匙水調塗之小兒

尤效又石灰和醋塗之○以鍼輕手亂刺出血頻付猪血最效

五十九癰疹○清心元月經水調下以又延火使身體溫暖即消
寒薄者最得○梓皮水煎服之又益母草煎服並效○石灰和
醋塗之○黑紅兩色癰疹雞子黃赤豆荊芥搗勻塗付

六十諸中毒○凡解毒之藥皆不可熱服能使毒氣愈甚宜冷服
之乃效○手足面青過時者不救治法上宜吐之急以香油多
灌鵝翎探吐之下以芒硝煎甘草湯調服利之○人自服毒者
宜急救之大法甘草漿豆能解百毒又法不問何毒多灌香油
吐利即安○通治百物毒細茶白礬每取三錢末新水調服即
效又五倍子為末好酒調下二錢在上即吐在下即瀉又甘草
細末微炒隨酒量多少好酒調服須臾大吐瀉雖渴不可飲水

飲水則難救又臘雪水飲之○甘草黑豆皆解百藥百物毒各取五錢水煎溫冷任意服神效或加竹葉或薺花卅五无效○此中毒即燒所食之物作末服之

六十一一切飲食毒○中毒煩悶甘草薺花濃煎飲之入口即活又白扁豆末水調服二三錢得利即安又人屎取汁服又白狗糞和水絞汁又藍葉或藍實濃研汁飲之又多飲香油即差六十二熱麵毒○枸杞根皮煮汁飲之又蘿菔汁飲之無生者則取子水研取汁飲之又杏仁研煎汁飲

六十三豆腐毒○過食腹脹氣塞欲死新汲水多飲即安若飲熱酒即死又蘿菔汁一日煎湯飲之又杏仁研煎濃汁飲之○過

飽幾死者垢組

何早也

或著垢衣頰皮

何早也

洗水飲之即解

六十四燒酒毒

過飲中毒面青口噤昏迷不省甚則腐腸穿脇

遍體青黑吐下血死在預吏初覺便脫衣推身滾轉之無數吐
之則甦又以溫湯裸體浸灌常令得煖若灌冷水即死又急取
菰及蔓搗取汁幹開口灌之不佳又碎冰納口中及肛門以醒
為度又葛根搗取汁灌口中○柿葉搗汁灌之

六十五酒毒

何早也

性禰婦女多有飲此之患至危將死急灌溫

蜜水連灌甘草水又雞或鴨急割去頸納於口中下熱血

六十六諸穀肉毒

何早也

食六畜肉中毒或吐下血胡荽子一升碎煮

取汁冷服半升日二又犬屎燒灰和酒服一錢又韭汁一二升

飲之又人頭垢和水服吐出即愈又水浸豆豉絞汁數升服之
○猪肉毒煮橘皮汁或蘆薈根汁或黑豆煎汁或大黃煎汁或
川椒煮汁可飲○鳳仙花根莖葉取汁飲又好酒大醉即解生
山藥^叶水磨服神效○牛肉毒甘草濃煮飲一二升即愈人乳
汁一二升飲又黃栢末三錢和水服又牛黃和水服○韭汁或
人屎汁飲之又人頭垢熱水調服吐出○脇間刺痛不可忍手
足青黑頃刻間氣絕者三四即服野人乾一盞無效又服一盞
脇間急痛如裂有如脫落之聲聲聞傍人其痛即止累試神效
又牛黃五分服之即效累試皆驗○食牛肝膾忽然咽喉疼痛
不可忍開口視之則咽喉間毒肉亂生或如肝片或如重舌狀

頃刻間咽喉閉塞氣急奄奄急以鍼亂刺毒肉生處出血一二
升吞水漸差矣○馬肉毒韭汁飲之又犬屎燒灰和酒服又蘆
根煮汁飲一二升又多飲好清酒至醉即解濁酒則加又香豉
二兩杏仁三兩和蒸一炊久熟杵服日二仁一方只取杏○馬肝
毒人頭垢和水服又雄鼠屎三七枚研和水服○狗肉毒蘆根
煮取汁飲又杏仁去皮研水煎去滓飲利下血尾為效仁二兩
和皮研細以熱湯三醕拌勻○羊肉毒煮服甘草汁一二升○
分三服所食肉皆全尾○食自死禽獸肉毒黃柏末三
錢水調服不解再服又人頭垢一錢熱湯化服又黑豆煎汁蘆
葉汁人糞汁皆可服之○食中毒箭死禽獸肉中毒狸骨燒灰

和水服又黑豆汁薑汁飲之

六十七諸禽肉毒○食鵝鴨肉中毒糯米粘汁或溫酒飲之又林

米香水研取汁飲一盞○雉肉毒吐下犀角末和水服一錢

或以水濃磨取汁飲○野鳥肉毒狸骨燒灰和水服又黑豆汁

薑汁飲之

六十八諸魚毒○食魚中毒飲冬瓜汁最驗又濃煎橘皮汁飲之

又海獺皮煮汁飲又鮫魚皮甘燒灰和水服○大豆汁紫蘆

汁服之○鱸魚毒蘆根煮汁飲一二升生汁亦可○鱧三魚司鱉

毒致一合投新汲水半碗取濃汁頓服即愈○河魨毒諸魚中

最毒其卵尤毒中者必死急取蘆薈根汁飲之或人糞汁或香

袖多灌吐即愈又白礬末白湯調下又白扁豆末和水服又

羊蹄葉

生豆

搗汁飲又藍汁飲之又煮椿皮甘平飲之又槐

花末三錢新水調服或煎服又生紫蝦和鹽

或鹽喫之

六十九蟹毒

蟹未經霜者有毒中之者飲生藕汁冬菰汁煮蒜

汁並佳又紫蘼葉煮汁飲之又黑豆汁豉汁蘆根汁並解之類

曰中毒或死急取冬菰
紫蘼大黃汁解之即差

七十食生膾不消○生薑汁飲一升即消又日久不消成癥取水

中石子十枚燒赤投五升水中七次熱飲三五度當出癥○食

厥腦髓即消

七十一食魚肉不消○成癥作痛狗糞五升燒存性為末漬五升

酒中經宿取清分十服即差○凡過飽魚肉積滯不下者食厥
腦髓即消

七十二食魚肉蔬菜毒○苦薤剉三兩苦酒左一升煎服吐即
愈

七十三諸菜毒○烏雞屎燒研末一錢和水服又香薷多飲之即
安又葛根濃煎汁服之生津尤佳又甘草湯飲之又人乳汁或
小兒尿服二升即愈

七十四菌蕈毒○菌蕈夜中光者煮不熟者煮訖照人無影者皆
有毒人中其毒急取地漿見中飲之又人糞汁飲之又馬蘭根
葉汁飲之又人頭垢和水服以吐為度又六畜及鵝鴨之屬刺

取熱血飲之又煎甘草冷飲只多飲香油亦好○鰐鮑燒灰和水飲之○中毒吐瀉不止細茶芽即舊茶為末新水調服神效又荷葉搗爛和水服○楓樹菌食之令人笑不止而死飲地漿最却人糞汁次之餘藥不能救

七十五苦瓠苦毒○誤食中毒吐利不止則死飲黍稷灰汁解之又稷米研取汁飲之即愈

七十六海菜毒○凡海中菜多食損人令腹痛發氣吐白沫飲熱醋即安神效

七十七諸果毒○中諸果毒桂皮濃煎飲之又猪骨燒灰末一錢和水服又茱萸末一錢溫水調服吐之即差○銀杏毒香油多

飲吐之。又地漿、藍汁、甘草汁飲之。○桃毒取桃葉見三四為末和

水服即差。○食雜菰果子過多腹脹氣急，桂心為末飯丸，菰豆

大以水吞下十丸，未差再服。又桂心末五錢，麝香一錢，飯丸，菰

豆大，白湯下十五丸，即效。○菰毒石首魚炙食，或者汁服，自愈。

七十八諸藥毒。○服藥過劑，或中毒煩悶欲死，葛根汁飲之，或煮

服之。又藍葉或藍實汁飲之。又地漿見諸毒又生雞卵取黃吞之。

又粳米粉和水服。又豉汁飲之。又甘草濃煎服。又薺菜取汁服。

又黑豆煮汁飲。又甘草黑豆薺菜同煎服之。无佳。又韭汁飲之。

又真黃土煮取汁煖飲之。又六畜及雞鴨皆取熱血飲之，即差。

○巴豆毒令人大吐瀉煩渴發熱，急用黃連、黃柏煎湯冷服，又

葛蒲或葛根生汁飲之更以冷水浸手足忌食熱物又藍根以
糖搗爛和水服又黑豆煮汁飲又寒水石磨水飲之○烏頭即
烏天雄附子毒此皆一物而異形者其毒則心煩躁悶甚則頭
岑岑然通身皆黑必死甘草黑豆濃煎服入口即定又菜豆煮
汁冷服又乾薑煮汁冷服又多飲冷水大吐瀉即愈○草烏毒
令人麻痺暈悶甘草黑豆煎汁飲之又生薑汁飲之乾薑煎汁
亦可又童尿飲之○黃芩在午毒令人火煩悶眼生星火狂走
見鬼水研菜豆汁飲之又甘草薺花煎汁飲之又甘草黑豆煎
服又蠐汁服之○大戟叶是吳即澤漆根毒令人冷泄不禁薺花煎汁
飲又葛蒲搗汁飲○狼毒在午毒杏仁研水和取汁服又藍汁

飲之○藜蘆^叶毒令人吐逆不止葱白煎湯飲之又溫湯飲之
又雄黃末和水服又香油多灌之○躑躅毒令人恍惚吐逆山
梔甘草黑豆皆可煎服香油多灌之○半夏南星毒生薑汁或
乾薑煮汁服之○苦練根毒令人瀉不止飲冷粥止之○杏仁
毒杏仁有雙仁者誤食必死藍葉汁飲之又藍實水研取汁飲
又地漿飲三椀又香油多灌○川椒毒殺人咽喉氣閉欲絕喫
大棗三枚解之誤吞合口椒氣欲絕身體冷痺急飲井水一二
升便差又地漿飲之又黑豆汁或人尿飲之葵菜汁或漿汁飲
之○斑蝥荒青毒令人吐逆不止急用萊豆或黑豆或糯米和
水研取汁服又薑汁飲又猪肪服之○艾毒艾葉久服亦有毒

毒發則熱氣衝上狂燥不能禁至攻眼有瘡出血者甘草黑豆煎湯冷服之藍葉汁菜豆汁飲之

七十九石藥毒○人服石藥中毒人參煎服又鴈肪服之又白鴨屎為末和水服○礬石_世毒黑豆煎汁飲之○雄黃毒防已煎取汁飲之○硫黃毒令人心悶取猪羊熱血飲之又熟冷猪肉及鴨肉羹冷食之又黑錫煎取汁飲之○硃砂毒生菜豆水研取汁一二升飲之○砒礬毒令人煩燥如狂心腹攪痛面口青黑四肢逆冷須臾不救急取黑鉛四兩磨水一椀服即解或青藍汁一椀灌服或香油一二升服又人糞汁多灌之又地漿三椀和鉛粉頻灌旋刺猪狗羊雞鴨熱血飲之又臘月猪膽水和

服之立解又縮稭灰淋取汁冷服一椀毒隨利下又冷水研薑
豆取汁飲之又薑根砂糖搗爛和水服又好白蠟五六錢搗細
冷水調灌

八十金石藥毒○中毒者取黑鉛一斤鍋內熔成汁投酒一升如
此十數遍候酒至半升去鉛頓服○黑豆汁薑葉汁水芹汁白
鴨屎淋汁皆宜

八十一金銀銅錫鐵毒○人服金銀中毒服水銀即出又鴨血飲
之又白鴨屎淋取汁飲之又雞卵吞之又黑豆汁薑葉汁水芹
汁皆可服之○錫胡粉毒杏仁研汁服之○水銀毒肥豬肉煮
冷食之又猪脂服之○鐵毒煮磁石飲之

八十二蠱毒○凡有蠱之家門限屋樑無灰塵潔淨當用心防之
入蠱鄉過飲之以犀角攪之白沫踈起者是蠱也過食蠱家潛
於初下筋時收藏一塊在手盡喫不妨少頃却將所藏一塊潛
埋於人行十字路下即蠱於其家作鬧蠱主必反來求救或食
時讓責主家先動筋或明問主家云莫有蠱麼以筋奪卓而後
食如是則蠱不能為害○中蠱毒者心腹切痛如有物咬面色
青黃或吐血或下血不即治蝕五臟盡則死死後病氣流注染
著傍人○驗蠱法令病人朝起取井水唾水中唾如柱脚直下
沉者是也浮者非也又嚼生黑豆不腥嚼白礬味甘皆是也又
煮一雞卵去皮日夕含口中勿令破夜吐出看霜露中朝者色

大青者是也。送蠱法敗鼓皮燒為末水調服一錢病人須更

自呼蠱王姓名令取蠱去即愈又取蓑荷葉蜜安病人卧席勿

令知病人自呼蠱王令取去即愈。周禮以嘉草除蠱即蓑荷也搗取亦飲之。治蠱

法紫金錠重者一錠用薄荷湯化下又服玉樞丹一錠。紫金錠料中加

雄黃一錢末硃五錢為玉樞丹入蠱鄉覺意思不或吐或利而

愈又白礬甘草等分為末清水調服或吐黑涎或瀉下即安又

甘草或升麻一兩煮服又馬蘭根為末和水服一二錢又槲木

立引吞北陰白皮煎取一升空心服並即吐蠱又馬兜鈴根為

末一兩水煎服當吐蠱未快再服又商陸末和水服一錢又續

隨子去皮研為末和水服一錢又斑蝥一枚去頭足翅研為末

和飲服並卽下蠱又斑貓去足翅熬大戟桃白皮東引者三物
等分爲末冷水調服半錢其毒卽下若未出更一服奇效只單
服大戟亦好又蠶退紙不拘多少以麻油紙攤燒存性爲末新
汲水調一錢頻服雖面青脉絕昏迷口噤吐血者服之卽甦又
薑葉汁飲之又芫_胡根煎服又與蘘荷同煎飲數升卽愈又
桔梗汁飲之危重者亦甦又蛭蚓十四枚醋一升漬之蛭死但
飲其汁則吐下血如爛肝已死者皆可活又蜈蚣去頭尾足炙
爲末和飲服亦可又狐五臟及腸和五味煮食之炙食亦良有
人病蠱夢食狐病自消覺而有狐入室烹食遂差又有人在海
面買喫蝦蠱患腹痛甚暴知其中蠱毒卽多飲燒酒乃吐所食

鹽物已蠱動作魚形其病遂愈

八十三馬毒○馬毒瘡婦人月經血塗之仍飲之又生果及馬齒

莧立司搗付之又飲其汁又馬糞汁飲之以馬尿洗之又糯米

飯冷塗瘡上即愈○馬汗入瘡毒氣攻作心悶欲絕燒粟稈灰

濃淋作汁熱者蘸瘡須臾白沫出盡即差白沫即毒氣也又馬

汗毒氣引入如紅線先以鍼刺瘡口出血烏梅和核爛研醋調

塗之又馬齒莧汁飲之又生烏頭末付瘡上良久黃水出立安

又白礬枯黃丹炒等分調貼瘡上又馬汗及毛入瘡腫痛以冷

水浸瘡數日飲好酒立愈○開剝死牛馬中毒遍身生紫疱俱

潰叫痛急服紫金錠吐瀉即愈

八十四烟熏毒○炭烟熏人頭痛嘔吐往往致死生蘿菹搗取汁飲之即解無生則蘿菹子水研取汁服亦解

八十五湯火傷○爛瘡痛牛屎濕付之又醋澤付之又醬汁塗之又白蜜塗之止痛又蛭蛭搗付之又以好酒洗之以鹽付之又梔子末雞子清調塗又大黃末蜜水調塗又炭末香油調付並即差凡被火傷即以醋水塗之仍貼以紙連塗令濕雖至焦爛止痛後又無痕又毛段燒作末油付又新尿冷飲

八十六熱油傷○蕎麥粉醋調傅之又寒水石末油調塗之痛立止

八十七金刃傷○金瘡傷重暈絕不省人熱尿多灌即甦童尿尤

佳又傷重痛悶欲死納牛腹中即甦

詳見下
蛇矢傷

○金瘡血不止急

以石灰末裹之又石灰末和雞子白火煨為末糝之立止又標

上塵取傅之又蛇含草

目科皆搗付之

又壁錢目科皆取汁點傷處

○牛蒡葉入鹽少許搗付之蘆葉汁入牛黃麝香少許塗之○

失血則當渴然頑忍之可與肥脂之物以止其渴○金瘡傷斷

一頭見者不可連兩頭見者可連續之先以鍼縷續其斷腸便

取雞冠血塗其際勿令氣泄即推納之金瘡腸出不斷者急以

清油搥活推納之續以麻縷或桑白皮火茸為線縫合肚皮取

雞冠血塗之而外垂皮則不縫糝藥仍服通利藥勿令二便秘

澁若腸與脂膏俱出用手擘去膏不妨此是開肉放心去之然

後推腸入內初飲粥清二十餘日乃喫糜粥百日乃可飯忌多
飲粥血溢出殺人又忌飲冷水又忌嗔怒大言笑動作及鹹酸
熱酒熱羹○金瘡腸出不能納者小麥五升水九升煮取四升
去滓令極冷使人含嚙瘡上及背則漸入勿令眾人見又新汲
水噴之令身噤腸自入並勿令病人先知○使四人執病人卧
席舉搖之腸自入○乾人屎抹於腸自入○凡金瘡及墮傷折
傷必有瘀血停積宜先逐去瘀血花藥石四兩硫黃一兩為末
入瓦罐內鹽泥固濟晒乾安四方磚上以炭火從巳午時煨至
經宿候冷取出研細先糝傷處其血化為黃水每取一大匙童
尿入酒煎熱調服則臟腑瘀血化為黃水或吐出或瀉下○刀

斧傷桑白皮剥取裹之令汁入瘡中又蘓木末付之蠶繭炮付
數日如故又急取白麵付之藍葉汁飲之

八十八砲天傷○戰陣砲天所傷流血滿體悶絕者一牛剖腹納
其人浸血中即甦○箭鏃入骨不可拔取蜚螳螂全者入麝香以
許為末罨之即出入鼠腦及肝塗之又蜈蚣并同硫黃研付
自出○毒箭傷芋根搗付日夜數易藍葉汁飲之

八十九打撲傷○瘀血在內煩悶欲死蒲黃三錢熱酒調服又白
楊樹皮叶酒漬飲之又生麻根葉搗取汁飲一升非時則取
乾麻煮汁飲又童尿熱飲一二升即甦又犬屎燒存性為末熱
酒調服二匙犬膽一枚分二次溫酒調服惡血盡下○打撲傷

痛不可忍取葱白入糠火煨柔熱擘開其中有涕便塗傷處冷則易熱者須臾痛定又芥子和生薑研微炒貼之亦妙

九十隨證傷○凡隨證死者心頭溫者可救急安好處以手掩其口鼻上一食頃候眼開先灌熱小便又薑汁香油打勻灌之又蘇合元三五丸溫酒童便調灌即甦○松烟入好生酒灌之○半夏或皂角末吹鼻得嚏亦甦○被隨證或車轢馬踏牛觸胸腹破陷四肢摧折氣悶欲死易雞一隻合毛千杵和醋一升以新布搗病處取藥塗布上庵定乾則易之覺寒戰欲吐不可去藥須臾復上雞神效又易鴉右翅羽七枚燒灰和酒服當吐血便差○隨證傷瘀血疼痛取水煙炆焦麝香等分為末熱酒服

一錢又稻稈燒灰和糟酒淋灰取汁乘溫淋洗痛處立差

九十一骨折筋斷傷○折傷筋斷骨碎生地黄取汁和酒溫服澤
付患處又生地黄熬之裹傷處一日一夜十易一月筋骨連續
又取蟬腳髓及殼中黃微熬納瘡中它裹即連筋骨又取牡鼠
生搗付之三日一易又蒿莖子微炒末酒服二三錢能接續筋
骨○骨折取自然銅火煨醋淬七次研極細水飛同當歸沒藥
末各半錢溫酒調服仍以手摩傷處此藥直入骨損處束之神
妙此藥新煨者有毒若不折骨不碎骨則不可用○山梔生為
末五分飛羅麵三錢薑汁和搽患處一日夜皮肉青黑是其驗
也○腦骨破葱白和蜜細研厚傅損處立差又取合歡皮去麁

皮剝炒黑色四兩芥子炒研一兩末每二錢熱酒調澄清臨卧
飲澤菴傷處以○被斫筋斷急取旋覆花根搗取汁漉瘡中澤
付傷處半月便續

九十二手足折傷○手足折傷出臼痛不可忍急用白礬末一起
和沸湯一椀乘熱熏洗傷處痛止若出外則須搗入內若出內
則須搗入外者骨歸舊臼菴豆粉瓦上炒紫色熱酒醋同調成
膏厚傅傷處用桑木或柳木片夾定麻繩縛札時時解札拽屈
拽直否則愈後曲直不得成痼疾○接指方蘓木為末敷於斷
指間接定外用蠶繭包縛數日如故○跌傷作腫痛不可忍槐
子白麵為末水調搽之乾則酒水即效

九十三肢節解脫○四肢節脫但有皮連不能舉動名筋解黃芪
三兩酒浸一宿取出焙乾為末每二錢酒下

九十四耳鼻舌傷斷○治擦落耳鼻用油煖灰末棄急以所落耳
鼻蘸煖灰綴定以軟帛縛定神效○顙仆穿斷舌心血出不止
取米醋以雞翎刷所斷處其血即止仍用蒲黃杏仁鵬砂少許
蜜調嚙化而愈

九十五陰囊傷破○有人落馬被所佩鎖匙傷破陰囊二丸脫落
懸掛未斷痛苦無任有醫教其漫漫托上多取壁錢古川敷貼
傷處日漸就安其囊如故

九十六杖傷○杖瘡忽乾黑陷毒氣攻心恍惚煩悶嘔吐者死凡

杖畢即用童便好酒各一鍾合而溫服免血攻心甚妙仍用葱
白搗爛搭杖處冷則易之止痛散瘀如神又瓦豆腐鹽水煮熟
鋪杖處其氣如蒸其腐即紫後換貼以色淡為度潰爛者亦宜
又鳳仙花連根葉搗爛貼之乾則易一夜血散即愈又痛甚者
以熱酒盡量而飲刺出惡血以大黃黃柏為末生地黃汁調付
之○大黃為末童便頻付

九十七人咬傷○人咬成瘡龜板或鱉甲燒灰油調付

九十八熊虎咬傷○熊虎爪甲傷嚼生栗付之○熊傷人煮葛根
取汁洗瘡十度並搗葛根為末調葛根汁服日五次○虎咬傷
生葛汁飲之又洗瘡又杵蕪取汁飲一升日三滓付傷處又飲

清油一椀又白礬為納傷處又飲酒常令大醉當吐毛出良又
砂糖水調服一二椀並塗傷處又生雞肉食之俗生雞割腹付瘡上又月
經赤衣燒為灰和酒服一方月經赤衣燒灰酒服方寸匙日三○月經衣布付之傷
處

九十九牛觸腸出○腸出不斷者急以清油摸腸用手推入以桑
白皮尖縫合肚皮縫上糝血竭末或百草霜末○以熱尿常洗
之或枸杞根皮煎湯洗之

一百馬驢騾咬踢傷○馬或驢咬人取其尿洗瘡以糞塗之又飲
糞汁佳○馬咬踢取益母草搗爛和醋炒付又獨顆栗子嚼付
之燒灰貼亦效又取雞冠熱血塗之又用艾灸傷處取人尿或

馬屎燒灰為末付之○被驢跑倒又咬傷膿潰臭惡蛆蠅極盛

眼蟬花散

方見下諸
傷辟蛆蠅

一百一犬咬傷○春夏初交犬多發狂但見其尾直下不捲口中
流涎舌黑者即是狂犬若被其咬死一生急用鐵刺去血以
熱小便洗淨即殺所咬犬取腦付之或用杏仁嚼爛付之以帛
繫定或同馬蘭根吳研細葱湯洗後塗之急用斑貓七箇去頭
足翅為末溫酒調服其毒必從小便中出可將尿缸盛清水令
患人尿其中停半日見濁氣凝結如狗形則毒氣出無則須服
七次極驗若小便澀益元散一方斑貓七日內用七箇七日後
每日加一箇十日十箇百日百箇去翅足糯米同炒滑石一兩

雄黃一錢麝香一字右為末溫酒調服不飲酒者米飲下毒從
大小便出即愈○患人頂心有一或二或三紅髮即拔去後服藥快
效又常食杏仁以防其毒或作粥食之又常食韭菜常飲韭自
然汁又葛根汁飲之又蚯蚓糞封咬處出犬毛神效○咬瘡久
不差口吐白沫叫喚似犬聲為犬毒入心也蟾蜍作膾食數次
勿令知又取後兩腿搗爛酒服亦可又虎頭骨虎牙虎脛骨為
末酒調服二錢又虎膽和水服又黑豆升服○治法無出於灸
只就咬牙跡上一日灸三壯至一百二十日乃止永不再發一
方連灸限三月勿令完全○禁忌法被咬者終身禁食犬肉及
蠶蛹此毒再發則不可救三年內忌食一切毒物及房事

又忌飲酒

一百二猪咬傷○屋滴水洗之又松脂作餅付之

一百三猫咬傷○薄荷葉細嚼付之又虎骨毛燒灰為末塗之

一百四鼠咬傷○取猫毛燒灰麝香以許津唾調付猫糞塗之生
薑擦猫口取涎塗之

一百五蛇咬傷○治蛇毒無如雄黃取細末貼瘡口立效又蒿葉
汁和雄黃末貼瘡口毒水流出血痛即消又即以白礬火熔汁
滴咬處立老無白礬則速作艾炷灸五壯良又中蛇毒眼黑口
噤欲死蒼耳叶引嫩葉一擔取汁溫酒和灌之澤付瘡上又白
芷末麥門冬湯調服澤付傷處又毒蛇螫急以熱人尿洗出血

次取口中唾塗之又取人屎厚付布裹即消又急飲好醋二椀
令毒氣不隨血走清油亦可○凡蛇毒取獨頭蒜或小蒜或水
蓼或苦蕒或豆葉或荏葉取汁飲澤付之又生蝦蟆搗付又生
雞卵敲作一小孔令咬處又牛耳中垢猪耳中垢取付之又即
刮自己耳中腦子納傷處○真末和冷水服又和水作餅付之
咬處及浮氣去處即消神效○忌食酸物梅子犯之必大痛○
蛇入耳鼻口中挽不出急以刀裂蛇尾納川椒一云胡椒二三粒裹
着即出又以艾炙蛇尾即出又割母猪尾頸瀝血入口中並孔
中亦出後取雄黃末調人參湯服制蛇毒○蛇繞身不解以熱
湯淋之無湯令人尿之即解○毒蛇尿草木着人似刺割便腫

痛肉爛若著手足指節墮落研砒礪和膠清塗之○蛇骨刺人
腫痛燒死鼠為末付之○大豆葉搗付○凡蛇咬取人乳汁頻
塗又青魚白卵卵泔水待潤貼之即效○正月上亥日生榨芝
麻油塗蛇咬又飲之甚效○蛇咬遍身黃腫神昏欲死取大蛇
味十餘箇輪付蛇咬處令啞之神

一百六蜈蚣咬○取大蜘蛛安咬處當自吸毒蜘蛛死即投水中
救活更用生者吸之又烏雞血及屎乾則水調塗之又獨頭蒜研塗

之蝸牛取汁塗之平旦至○桑白皮取汁塗之又地龍汁塗之

又木米作餅付○雄雞冠血塗之

一百七蜘蛛咬○被咬人腹大如孕瘡中出絲屢有死者惟飲牛

乳可制其毒又咬遍身成瘡飲好酒大醉虫於肉中小如米自
出又青葱葉去尖納蚯蚓一條緊捻頭勿通氣候化水點咬處
即差又藍汁一椀入雄黃麝香末各一錢和之細飲其汁並點
咬處腫痛垂死者即愈只服藍汁亦好又桑白皮汁塗之又雞
冠血塗之又雞卵敲作小孔含咬處立差○醋磨生鐵塗之○
壁鏡引咬毒人必死桑灰淋濃汁調白礬末塗之又醋磨雄
黃塗之

一百八蠼螋傷此虫又名八角虫狀如小蜈蚣工隱於壁間
以尿射人遍身生瘡如熱痹而大繞腰匝不可療烏雞翎燒灰
雞子清調塗之又取扁豆葉按付即差又鹽湯淋漬瘡上數日

愈又雞屎塗之

一百九蜂螫傷○青蒿嚼付之又薄荷按貼之又茅莖按擦之又冬瓜葉按付之酒糟或醬罨付醇酒塗之又梨汁付之

一百十雜虫傷○蝸牛百利是咬人毒遍身者蓼子汁浸之即差

○蜈蚣五足咬人石灰醋和塗之○天蛇即草間黃花蜘蛛也毒入被其

螫因為露水所濡乃成疾似癩而非癩煮椿皮早旱則汁飲之

差○蚯蚓咬雞屎塗之又急煎鹽湯浸洗又飲一盃○五毒虫

毛螫赤痛不止馬齒莧按付之○諸毒虫咬傷大紙搗蘼香油

燒灰吹滅以烟熏之即愈又小蘗或蘼葉搗汁飲之又付之又

香油浸紫蘼塗之

一百十一諸傷辟蠅蛆○夏月諸傷損潰爛蛆虫極盛臭不可近
蛇退燒存性一兩蟬殼青黛各五錢細辛二錢半為末每三錢
黃酒調下日二名曰蟬花散服之蛆皆和水而出蛆亦不敢近
又寒水石治夏月諸瘡臭爛

一百十二諸虫入耳鼻○取韭汁或葱汁或薑汁或麻油灌入並
即出牛乳或雞冠熱血灌入亦出○生薑擦猫鼻其尿自出滴
入即出又桃葉作枕枕之亦出又取小銅器枕耳鼻邊敲之亦
出取鏡與陶器打作聲亦出○蜈蚣入耳取薑汁韭汁薑汁灌
入即出或猪脂或牛脂炙令香置耳邊亦出○蚰蜒入耳取牛
乳滴入即出又蝸牛汁或小蒜汁灌入即出又地龍入葱葉中

化為水滴入其虫即死為水○蟻子入耳取醋灌入起行即出
又穿山甲燒末水調灌入又炙香肥脂或油煎餅枕卧即出又
燈心浸油釣出

一百十三誤吞諸虫○誤吞蜈蚣在喉悶甚急取生猪肉吃之須
更以清油灌口中即吐出繼以雄黃末水調服解毒○誤吞蚰
蜒飲牛乳二升自消下○誤吞水蛭甘引取田中乾泥小塊小
死魚三四箇將猪脂溶勻用巴豆十枚去皮研爛入泥內為丸
如棗豆大以田中冷水吞下十枚蛭皆瀉下而愈又濃茶多飲
自下又食蜜即化為水

一百十四誤吞諸物○誤吞釣鉤連練者莫引之急取珠璫或琥

珀珠水晶珠等次子推之鉤所引之自出市上所在火珠亦可用蓋其鉤尖入於珠孔而不礙也○誤吞鐵取磁石如棗核大磨令光鑽作竅絲穿令含鐵自出又天豆一方煮熟同韭菜喫之鐵與菜從大便出○誤吞鐵釘箭鏃及食猪羊肉肥脂物必自裹出又多食肥猪肉葵菜自出又蠅豆煮熟同葵菜喫之從大便出○誤吞釵環竹木蘆白曝令萎黃煮熟切食一大束釵即隨出又多食飴糖至數斤當裹釵環竹木而出○誤吞金銀取水銀半兩服之金見水銀如泥消出○誤吞鐵物銅錢恣食藟薺是叫又升天引須臾自化去○誤吞銅鐵取堅炭為末末飲調服從大便瀉出如烏梅狀又縮砂濃煎飲之其銅自

下又食胡桃其銅自爛又服煉蜜二升即出○誤吞木屑
喉欲死鐵斧磨水灌之○誤吞桃李酸喉不下拘頭煮湯摩頭
上差○小兒誤吞錢不出煮葵汁冷飲即出根葉子同切○誤
吞髮繞喉不出亂髮灰水調一錢服又舊木油梳末酒調服

一百十五諸骨鯁在咽○諸骨鯁在咽不下嚼蘆白令柔以繩繫
中吞到鯁處引之鯁即隨出又用韭白如上法以茶嚥下引之
亦出又牛筋或鹿筋搥軟如彈丸持筋端吞之候至鯁處徐徐
引之鯁着筋即出又綿絮一小塊以蜜煮用如上法即出又弓
絃搥令頭散吞引之亦出○威靈仙為末酒服又好醋吞嚥長
在喉中不久消化○魚骨鯁在咽取鳳仙花子無則用根水研取汁

以匙送下不可犯齒恐致傷損又魚狗

外州小鳥青似翠水上取魚

燒灰和

水服又萱草根汁飲之又縮砂甘草末綿裹含嚥即吐出又鮫

糖作丸如雞子黃大吞之若不下大作丸嚥下之又鯽魚鱓魚

上計鱓魚

升

膽省下骨鯽臘月收者尤佳取皂子許溫酒化

呷之得吐便出未吐更飲強酒以吐為妙未出更服又鯽魚鱗

皮燒作屑和水服即出○又玉簪花醋煮不著齒吞下○大蒜

塞鼻即出又鹿角含之津嚥下○東流水一盞東向坐以手指

水上書龍字訖飲之○鯁骨在咽取桑木上虫屑醋煎灌嗽自

下又將狗倒懸吊起涎出徐徐嚥下其骨化為水如神又虎骨

為末水調服或煮汁服狸骨亦可又象牙磨水服即下又雞足

一對燒灰水調服○雞骨在咽野苧根洗淨爛搗如泥取櫻桃
大以雞羹化下立出又白梅肉搥成大丸綿裹用線穿在內令
藥送下扯住線頭在手一嘔即出

一百十六芒刺在咽○取螻蛄_{五鼠}腦吞之即下又鼠腦厚塗鯁

上即出又鯽魚或鯪魚膽和酒服即出○稻麥芒在咽腫痛急

取鵝口中涎灌之即出又脂麻炒為末湯點服出

一百十七諸物入目○稻麥芒入目不_{有赤白二種}出白蓂荷_{白者入藥}根

莖取汁注目中即出又以新布覆眼上取蟬蛸_{古明}從布上摩

之其芒出者良久煮大麥取汁洗之即出又粟殼煎水頻洗○

粟殼刺入眼蟬蛸汁注之○沙塵諸物入眼腫痛不得開取牛

筋提擘如絲着睛上輕按之自出又好墨濃磨點睛上以新筆
繳出或又取蜚蠊^{呂字}一枚手持其背於眼上影之沙塵自
出又魚衣^世以乳汁研和注目中自出又雞肝血注之飛
絲入目腫痛不得開好墨濃磨點入目中閉少時其絲自成塊
着在睛上却用綿輕輕惹下即愈又頭垢點入目中又刮人爪
甲上細屑以筋頭點津唾蘸屑入目中其絲自聚拔去之又石
蔓蒲提碎左眼病則塞右鼻右眼病則塞左鼻神效又菁菜汁
點之又鹽炒細末點之

一百十八飛絲入口舌間○生嚼蘊葉以白湯下立效

一百十九匙着口中○匙自着口中漸引入不解落者由於胃熱

急鍼三里即落又灸足頸七壯即落

一百二十諸物入肉○鍼入肉不出易鴉翎三五枚燒灰醋調

之自出又取雞仁杏仁爛搗車脂調腦同自出又蜈蚣

硫黃研傅裹足自出又鼠腦及肝塗之自出又礞石著其上自

出○鍼刺竹木刺入肉不出鼠腦厚塗之即出○竹木刺入肉

不出蜈蚣研付之炒又螻蛄斗引即黑蜂研色細腰蜂自出又烏雄雞生搗

付之即出又乾羊屎燒灰和猪脂塗之自出又烏雄雞生搗

之自出又人頭垢一名百齒霜在梳上者是塗之又栗楔生嚼是日自出又牛膝

根爛搗塗之並即出又蒲公英引各取白汁多塗之又松脂自

流者為末裹足自出○魚骨入肉不出嚼吳茱萸封之骨當爛

出又象牙末厚塗自軟出又魚狗鳥卵燒為末和水頓服又海
獺煮汁服又白梅肉爛研付之又魚鰓付之又四邊肉爛剉即出
一百二十一魚骨在肚○魚骨在肚中刺痛吳茱萸煎汁一醃飲
骨軟而出

一百二十二胎漏胎動子懸○胎漏胎動皆下血而胎動有腹痛

胎漏無腹痛

回春曰
腹痛

○胎漏者徐徐下水暴下半餘水則其胎

不墮

○胎漏腹痛膠艾四物湯熟地黃當歸川芎白芍藥阿膠

珠條黃芩白朮縮砂艾葉香附子炒各一錢入糯米一撮水煎

空心服

○胎動腹痛佛手散當歸六錢川芎四錢水煎臨熟入

酒以許再煎溫服

○一方胎動一月用烏雌雞三月用赤雄雞

十月用猪腰子餘月用鯉魚煮汁入藥煎服神效○胎動腰痛
或下血葱白濃煎汁飲之安胎若胎死即出○勿論胎動胎漏
急用海松子及粥極有效必驗○子懸昏窒煎服葱白即差蘇
葉亦效

一百二十三難產○孕婦不習行動忍痛曲身側卧故子在腹中
不能轉動致有橫生逆產甚則子死腹中慎之○臨產進粥飲
令人扶策徐徐而行若不得則凭物而立痛陣轉密產候將至
然後坐草直待兒逼產門用力一下自然易產○臨產孕婦疲
倦久坐椅蓐兒抵生路不能下生當於高處懸吊手中令產婦
攀引輕輕屈足兒即順生○難產日久漿水多下胞乾不得下

黃蜀葵子研為末酒調二錢聽去渣溫服一方蜀葵花為末熱酒調下一錢即效又香油清蜜童尿各半醃慢火煎數沸調滑石末一兩即產和益母膏尤妙益母膏方重午日不犯鐵器採取淨洗搗取汁銀石器熬成膏催生神效○益母草連根葉搗擲酒服又兔頭骨並皮毛燒灰作末凡酒服○臨產交骨不開日久垂死急用加味芎歸湯龜殼一箇生男女婦人頭髮一握燒存性當歸川芎各一兩為末每三錢水煎服良久生胎死胎俱下○礙產謂兒頭雖正產門已露其頂而不能生下者此因兒轉之時臍帶攀掛兒肩不能出也令產母仰卧收生之人輕輕推兒近上徐徐通手以中指按兒兩肩理脫臍帶候兒身正

用力一送即產○盤腸產謂產時腸先出兒即隨產治法頂上
貼如聖膏單麻子去皮一兩雄黃二錢同研成膏自然收縮即
以水洗去如腸頭為風吹乾不能收入以溫湯潤腸令產母仰
卧以言安慰却用好醋半酸新汲水七分調和忽嚙其面則收
每一嚙一縮三嚙三縮腸已盡收矣又以磨刀水潤腸水煎
磁石湯一盃飲之則收又免頸骨並毛皮燒為末丸酒服○橫
產者先露手逆產者先露足偏產者兒頭偏挂一傍不露正頂
只露額角也凡橫產逆產當令產婦仰面安卧收生之人徐徐
推尻延上以手正之候兒身順正門路却服催生藥上草易產
○手足先露者用細鍼刺兒手足心一二分三四次以鹽塗其

上擦之輕輕送入兒得痛驚縮即順生又兒脚先生急以鹽塗

兒脚心

一方曰足底

因急搔之併以鹽摩母腹上則自然正生○以

手中指取

錘也

底墨交畫兒足下即順生○橫產者及子死腹

中難產危急當歸川芎各五錢益母草三錢酒一醺入藥先煎

欲乾入水一醺再煎至半溫服連三次便產○又益母草濃煎

或取汁頓服立效益母膏尤妙又艾葉半升清酒四升煎取一

升服○又法令人尋路傍草鞋一隻取鼻絡小耳繩燒灰溫酒

調服即產得左足者生男右足者生女覆者兒死側者有驚○

死胎孕婦腹痛胎不動者以手摸之而面冷者為死胎溫者為

生胎胎死則面青唇舌青指甲青口中極臭心腹脹悶舌黑者

子已死母面赤舌青者母活子死面青舌赤口中沫出者母死
子活唇舌俱青兩邊沫出者母子俱死兩脰微紅則母活子死
○孕婦舌黑者子已死全以舌為驗佛手散救之若加益母草
三錢尤妙用此探之胎不損則腹痛止若胎死則立便逆下神
效○死胎著脊不出氣欲死豬脂白蜜各一升醇酒二升合煎
取二升分兩溫服即下又子死腹中其母氣欲死伏龍肝末三
錢水調服其土當兒頸戴出至以又鹿角屑二三方寸匙煮蔥
豉湯和服立效○明知胎死急用平胃散蒼朮二錢陳皮一錢
四分厚朴一錢甘草六分本方有薑棗酒水相半煎臨去渣調朴硝
五錢再煎化服其胎即化血水而下○穰法取產母常著衣以

籠竈頭及竈口則易生勿令產母知又臨產赤馬皮鋪地令產

母坐其上則易產又飛生皮

如蝙蝠大如鳩暗夜行飛甚難得

產母兩手把之即產○鍼灸法急於右腳小指尖頭灸三壯即

產又鍼合谷三陰交即效

在足內踝上除踰骨三寸骨下陷中

一百二十四胞衣不下○產後急斷臍帶以小物繫帶牢固然後

切斷不爾胞上掩心而難淹延數日亦不害人惟產母心懷安

泰勉進粥飲終自下矣切不可妄用手法探取或致大殞或為

終身之害○治法猪脂白蜜清油各半醃於火上熔化溫分二

服便下只多服猪脂亦佳益母草膏亦可○蛇退金者一條蟬

退十四箇男子頭髮雞子大並燒為末分二貼酒調服即下又

童尿一升雞卵三箇薑汁葱白汁各一合和勻溫服又冬葵子
三合濃煎頓服即下不效更服又兔頭骨並皮毛燒灰為末凡
酒服又大豆半升醇酒煎至半分三次服又伏龍肝醋調物納
臍中甘草湯服之神效○若胞衣上衝至死但心頭煖急以童
尿調花蘂石散方見上一錢服之取下敗血如猪肝或化為黃
水而出其胞即下

一百二十五產後諸病○產後瘀血衝心脹痛欲死兔頭骨並皮

毛燒灰為末凡酒服○產後腹痛戶限下土末一錢酒調熱服

又白丁香即兩頭尖方寸匙煖酒服又黃蠟一錢好酒一盞煎

服○產後壯熱頭痛頰赤唇焦口乾煩燥昏悶松黃湯松花蒲

黃川芎當歸石膏煨等分紅花少許水煎細呷○產後交熱文
魚作末和麝香喫之○產後不能食煩滿小豆三七枚燒作屑
篩冷水頓服○產後陰戶不斂陳葱生搗炒熨○產後陰痛蛇
床子布裹蒸熨○乳汁不下死鼠一頭燒存性和酒方寸匙服
勿令病者知之○乳腫初發蕎麥末水調塗四圍乾則又塗於
其內漸漸入塗至腫○乳腫增寒熱麥芽炒二三兩水煎服○
乳腫堅硬身熱增痛不進飲食擇皮吳茱萸末一錢酒下即睡而
差○乳腫膿潰久不完合成瘻瘡爛為雞生刮其胸掩覆爛瘡
則雞成虫虫盡出于雞肉不過三雞而差

一百二十六陰病○陰戶挺出不脫白礬燒灰一錢空心溫酒

眠蛇床子布裹蒸熨○陰戶作痛烏賊魚骨燒末酒下方寸匙
日三○陰冷痛取丁香顆大者作末封紮納陰中痛即止○
陰中生瘡如虫咬桃葉生搗綿裹納陰日三四易又胡麻生嚼
塗之○陰痒小蘊唐州水煮熟洗日三小蒜亦好又雞肝柔熱
納陰中虫盡出又牛肝取三寸納之半日出盡入肝內猪肝亦
好

一百二十七血崩帶下○血崩地榆湯一合服之○帶下桃仁去
皮連仁細研和好酒一瓶隨量飲之

一百二十八小兒初生急病○初生氣欲死不能啼必是難產或
冒寒所致急以綿絮包裹懷中勿斷臍帶且將胞衣置爐火中

燒之仍作大紙撚蘸油點火於臍帶下熏之令火氣入腹更以
熱醋湯盪洗臍帶頂令氣回啼哭如常方可斷臍帶○初生面
青身冷口噤乃胎寒也用白殭蚕散急救之白殭蚕木香肉桂
陳皮檳榔甘草炙各五分左右剉水煎取汁以綿蘸入兒口中○
初生即死者急看兒口中懸雍前腭上有泡如石榴者以指摘
破出血以帛拭去髮灰糝之若惡血入口中即死○初生急患
撮口不飲乳名曰馬牙俗呼為齒便看兒齒齦上有小泡子如粟
米狀急以鍼挑出血用墨磨薄荷汁新母髮少許裹手指蘸墨
遍口內擦之勿飲乳一時許即差不治則百無一生又以指爪
或鍼搔破點生蜜亦效○初生撮口不飲乳取牛黃二分半調

竹瀝灌口_蚰又赤足蜈蚣一條_{炙酒浸}研如粉每五分以猪乳汁

二合和勻分數次灌口中○撮口者初生一臘也_{三日}內之滿痰

也令兒氣促口撮如囊而不乳也面目黃赤啼聲不出舌強唇

青用白殭蚕二枚略炒為末付唇口即差○初生喋口不開南

星末一錢腦子少許研勻調薑汁以指蘸擦兒牙齦上口立開

○初生口內白屑滿舌上不能吮乳謂鵝口急以亂髮纏指頭

蘸薄荷汁或井華水拭淨如不脫用雄黃三錢鵬砂一錢甘草

半錢龍腦少許為末蜜水調塗或乾糝之蚰又鼠婦虫取汁塗

之又白楊樹皮_{小片}燒取瀝塗之○初生遍身無皮但是紅肉

以白早米粉撲之候生皮乃止○初生遍身如魚泡如水晶碎

則水流以蜜陀僧為末糝之因服藕合元○初生遍身發丹毒
赤腫遊走乃胎毒也入腹入暗則必死宜以細鐵或破鐵隨赤
暈周匝刺出惡血仍以芭蘸汁瘰癧汁塗之又赤小豆和雞子
白塗之又薄棗中小蝦搗付之又蕎麥麵和醋付之又伏龍肝
末和雞子白塗之乾則易之○丹毒草麻子五箇五皮搗入麴
一匙水調塗之甚效○初生塞鼻不通乳不得下取猪牙皂角
草易等分為末葱涎調成膏貼額門上又天南星為末薑汁調
和貼額門上○初生穀道無孔不得大便急用金玉簪尖者者
其的處刺穿作孔以藕合香元只許作針納孔中或以油紙摺
紙入不令再合○初生嘔吐不能飲乳乃穢惡入口用黃連根

殼赤茯苓等分爲末蜜丸梧子大乳汁調一丸灌入口中又木
瓜生薑煎湯灌口中亦好○初生不飲乳不小便大蔥白一寸
四破之以乳汁煎銀石器灌口中立效○初生大小便不通腹
脹氣欲死急令婦人以溫水嗽口了吸吮兒前後心並臍下手
足心共七處每一處吮三五次嗽口更吮取紅赤色爲度須
臍自通不爾則死又蔥白汁乳汁各半調勻抹兒口中與乳吮
下卽通○初生小便不通急用生地黃數條蜜少許同研勻付
陰莖上內用蚕退紙燒灰入朱砂龍腦麝香各少許麝門冬燈
心煎湯調灌口中卽通○初生大便不通先以硬蔥尖紮入肛
門如不下用朱砂朱砂水飛南星炮巴豆霜各等分石爲末

糊九黍米大薄荷湯煎灌下二丸即通○初生外腎縮入取硫
黃丹朱蓮各五錢為末以大蒜汁調塗臍腹上仍以蛇床子燒
烟微熏之○初生斷臍後為風濕所乘或尿濕裙襠遂成臍
風面赤喘急啼聲不出臍腫突腹脹滿不能飲乳則發搐噤口
宜用調氣益黃湯金頭赤足蜈蚣一條酒浸炙蠟梢四箇白殭
蠶七箇炒瞿麥五分為末每半字四分半以鵝翎管吹入鼻噴嚏
啼哭則可治仍用薄荷湯調一字服之甚者用金烏散金頭赤
足蜈蚣半條酒浸炙川烏尖三箇生麝香少許為末每取半字
二分五里半以金銀器煎湯調下又或用宣風散全蝎二十八箇全
者浸酒炙為末入麝香末一字和勻每取半字以金銀器煎湯

調下當歸末付之瘡處

一百二十九小兒客忤中惡○客忤者忽有非常之物或未識見之人觸之或經神廟佛寺與鬼氣相忤者也其狀口吐青黃白沫或下水穀鮮雜面變五色腹痛反側狀似驚癇但眼不上竈耳其口中懸雍左右若有小小種核即以鍼刺潰之或以指爪摘破急作醋炭皂角燒烟熏之却以蘓合香元薑湯調化頻服之次服雄麝散雄黃一錢乳香五分麝香一字為末每一字雄雞冠血調灌之仍以母衣覆兒身即愈兼用黃土散竈心黃土蚯蚓糞等分細研水調塗兒頭上及五心又取豉三合水濕搗為丸雞子大摩兒頭上及足心各五六遍次摩臍心及上下良

久中自有毛於路上卽擲之。中惡者其狀猝然心腹刺痛悶
亂欲死人中青黑卽服蘇合香元末醒以皂角末吹鼻又以唾
和麝香一錢重研和醋一合服之卽差。中馬汗氣或馬鳴驚
忤取馬尾燒烟熏之兒面以差為度。

一百三十驚風。初生發驚者乃胎驚也朱砂雄黃等分為末取
少許猪乳汁調抹口中卽效麝香少許為末。小兒急驚者因
風熱而生或聞犬聲大驚而發涎潮搐搦竄視反張身體與口
中氣皆熱發時暴烈過則惺惺如故取牛黃大豆許調竹瀝灌
之。又猪乳汁灌之調朱砂牛黃各少許尤妙。又天漿子外叶取
汁灌之。又梨汁和竹瀝灌之調清心元少許尤妙。慢驚者大

病之餘吐瀉日久中氣大虛及過服寒涼之藥而得渾身四肢
冷口鼻氣亦寒昏睡露睛目上視手足癱瘓取大天南星一箇
炮裂放冷為細末以生薑防風煎湯調下半錢又天漿子白殭
蚕全蝎各三箇並微炒細末每二分半薄荷湯調下日三又下
香一粒全蝎一箇朱砂二分半俱為末男用左手中指血女用
右手中指血一點蘸藥末擦唇上即愈又法取雄黃沒藥各一
錢乳香五分麝香二分半為末吹入鼻如眼淚鼻涕俱出
者可治又取半夏末皂角末各少許吹鼻有嚏可治無嚏不可
治○一百二十種驚癇蛇蛻燒灰服之雞冠血小滴口中又用
無價散○驚癇客忤虎膽研水服蟬退水調開攤紙上貼心上

灸法慢驚諸藥不效先灸太衝脉若存則百會灸三壯又兩
乳頭上男左女右三壯灸髮際五分眉心額會各三壯

壯數則
隨輕重

七壯未效又
灸之亦可

一百三十一吐瀉○水泄不止五倍子為末陳醋調稀熬成膏貼

臍上○吐瀉日久不止津液枯竭煩渴引飲欲成慢驚宜用錢

氏白朮散葛根二錢人參白朮白茯苓木香藿香甘草各一錢

麝末每二錢水煎服吐瀉加山藥炒白扁豆肉豆蔻煨已成慢

驚加天麻細辛全蝎炒白附子不問陰陽多煎滿意飲之

一百三十二疳瘡○口瘡糜爛五倍子細末糝之○走馬疳齒根

潰爛齒黑脫落頸有穴者名曰走馬疳○乳香丸方乳香輕粉

砒霜各五分麝香少許研細以薄紙一韭葉許按過揉紙以許和凡如黃米大臨卧將藥填患處至明即愈忌食醬菜醋○立效散方青黛黃柏白礬五倍子各一錢為末先以米泔嗽口搽之○銅青散方白芷五錢銅綠二錢半馬牙硝一錢麝香一字為末乾搗之○尿白散方人中白火煨白礬枯白梅肉燒存性各二錢為末先用韭葉根陳艾濃煎汁以雞翎蘸汁刷去腐肉洗去鮮血後付藥日一二次○瘡肉食之付之

一百三十三瘡疾○遍身生瘡作爛半天河水微溫頻洗○惡瘡竹葉燒和雞子黃付之又蜣螂杵絞汁塗之○月蝕瘡成爛免屎納於蝦蟆腹中燒灰付之○頸瘡及顙不合龜甲燒灰付之

○外疳腫大牡蠣為末雞子清調塗即消

一百三十四癰癤○三稜末量兒大少和乳又棗肉爛研乳調與
兒食之又老鼠肉煮汁下米作粥與食

一百三十五虫痛○貫眾赤小豆水煎空心服

一百三十六瘰癧○終始宜戒避風寒禁生冷○又忌香臭惡臭
油炷烟臭滅燈燭燒頭髮毛羽臭切忌房中淫慾及梳頭並覷
僧尼外人切勿出入要令內外安靜○禁忌生梨红柿西瓜大
棗水浸乾柿柑橘酸醃寒冷等物○瘰癧熱盛自不思肉而俗以
為僧神舉家食素使病兒氣血大虛變症難出多至不救所宜
深戒也○初熱三日痛勢似傷寒勿論疑似急用升麻葛根湯

葛根二錢白芍藥升麻甘草各一錢加入荆芥穗防風山查肉
各七分入薑一片煎服日再或用金銀花忍冬茶取汗而終不
如湯藥也○此時或發驚搐是吉北切勿把持任其自搐以導
荷甘草等分煎水調下牛黃抱龍丸或膽星抱龍丸或礞青丸
亦效又宜加減紅綿散其方麻黃夏月慎用荆芥穗全蝎天麻薄荷
紫草葶蟬退各五分入葱一莖煎服○此時或吐或瀉或吐瀉並
作自此至出痘終日証雖苦劇皆不妨○此時腰痛將必黑陷
急用神解湯溫覆出汗而不汗再服以痛止為度其方柴胡一
錢半乾葛防風各一錢麻黃升麻白茯苓各八分甘草五分煎
服若無藥則宜多取汗○此時必發渴切勿與冷水取紅花子

炒黃煎水飲之此水始終飲之為可或金銀花茶或糯米飲或
三豆飲皆可飲之○出痘三日始痛一日便出極重二日出重
三日出例也遊戲四五六七日乃出者勿藥之類也○初見紅
點而色淡紅且潤不必用藥色若太紅而枯者毒多也急用化
毒湯日再服以色淡紅為度毒太甚則雖日其方紫草茸二或用十數貼無妨
錢升麻甘草各一錢加白芍藥一錢山查肉七分蟬退去頭五足翅
分此藥能令痘稀且無痘後諸証蓋出痘初程之聖藥也毒多
者調辰砂五分服亦效○此時痘出太多急用消毒飲日再服
粘子研炒二錢荆芥穗一錢防風甘草各五分或加山查肉黃芩
酒紫草或加犀角磨汁服尤佳服此飲則痘不害眼○痘既多

出而身熱尚未退用連翹升麻湯

即升麻葛根湯加連翹一錢
桔梗七分薄荷竹葉燈心

○此時吐瀉不足深憂或痰驚搐空塞逆証也急用加減紅綿

散○此時或大渴求飲不已紅花子炒一合加鼠粘子煎服雖

口中如烟起即止又大渴用定中湯和砂糖服立止其方真黃

土湯泡取水和雄黃

水

一錢朱砂

水

五分以加砂糖溫服

收斂
胃氣

止吐瀉
神效

或用糯米飲所出月經亦好○此時或有四肢百節皆

痛者此由痘未快出或由未盡和解而然勿藥自愈○出痘終

日

即見
第三日

蓋多微痒者以木麥末或敗草散

敗草或穀草蓋
屋久而腐爛者

碎作糝於痒處以手揩摩即止凡痘或爪破或潰爛流血流汁

處皆可糝之○此時必有咽痛宜如聖飲麥門冬桔梗各一錢

鼠粘子

研

甘草各五分竹葉三片水煎徐徐呷下或消毒飲加

升麻七分桔梗犀角屑各五分

調服

煎服毒盛喉欲閉急用猪

尾膏

未破精小雄猪以刀裂尾尖取血即和龍腦作丸以淡湯或紫草煎水和下熱盛以新汲水和下

○起脹

三日症順者已自昨有脹意先出者先起以此漸起而紅線緊

附於額下不必用藥若色太紅延赤者血熱毒盛也用活血飲

日再紫草茸二錢生地黃白芍藥當歸各一錢川芎五分紅花

三分酒水煎服

此乃起脹初日治法

若痘密勢重急用神功散數貼黃芪

人蔘紫草

或用

生地黃鼠粘子

研

各等分紅花前胡甘草減半

煎服次日繼用內托散黃芪人蔘當歸川芎厚朴製防風桔梗

白芷甘草各一錢黃芩黃連各五分並酒炒水煎服若淡白灰

陷去苓連加木香官桂各五分或加丁香五粒○瘡色淡不起
脹者虛也用保元湯日再入參二錢黃芪甘草各一錢加當歸
白芍藥微炒各一錢官桂五分生薑一片糯米五十粒水一升二
合煎至三合和好酒三四匙服○此時身復熱困頓啼哭例也
○此時渴引飲連與糯米飲此飲能解瘡毒養胃氣渴若太甚
用紅花子水考出瘡條治之○此時若泄瀉則大危急用保元湯加白
茯苓白朮白芍微炒乾薑炒黑官桂七分薑一片糯米百粒煎服日
再以此止為度○此時發微痒人以手摩之便止者為吉而若痒
甚則危急以水楊湯頻洗面部好瘡顯焦枯而痒者固宜洗法
而顯若淡白虛軟而痒者用洗法則乃反糜爛目破矣瘡邊大葉赤條

之楊判之用長流水極煮五六沸棄其極熱以細巾洗之久洗
方效此水能引出毒氣故項陷者皆起或黑陷處以綿漬水付
之皆漏爛毒不入裏如倒靨之類（此時若痛甚不可忍則白
尤見奇效春冬用枝夏秋用葉）

為藥細末每一錢淡酒調下○此時取醇酒和水煮數沸殺其
毒頻頻與飲之又以酒醇和水以糯米末作心煮粥亦頻與之
此是脹膿之巧法然飲酒過醉反有害○此時專以補氣為主
取陳雄雞去皮去脂又去尾端翅端及五臟腹中納糯米如許
用水十椀同煮大鼎中水縮至一甫兒許更去浮脂與兒飲之
鄉谷無人養之家必用此法則甚奇雖日用三四首至貫膿終
日則有百益無一害矣○此時面部浮大側也○貫膿三日痘
順則自昨日（即起脹面終日也）面部顆白已有向膿之漸浮氣益加兩眼

封合

瘰癧眼不合

至中日面頰盡膿則浮氣稍減咽痛亦減矣○此

時膿水若清淡則收歛必難急用蒼歸鹿茸湯數貼鹿茸三錢

人乳

黃芪

人參各二錢當歸身一錢甘草

炙

一錢桂枝七分

或用

生薑一片糯米五十粒龍眼肉一二箇

去

大便稠

水煎和酒

四五匙服○

此時吐瀉大危急用定中湯瀉甚急用木香散一

二貼木香丁香桂皮陳皮半夏赤茯苓人參訶子皮大腹皮前

胡甘草各五分薑三片水煎服或熱証輕用此藥則大害立至

慎之○此時若膿未足而先有白乾意熱勢又劇此最惡候急

用猪尾膏西藥散

臘月

此人

猪

犬

糞

燒

之

屬

以

救

之

○

此時

痒甚急用內托散保元湯加味當歸白芍防風白芷用之亦好

○凡痘自上向下以次成熟此時面部方膿則肢體始脹蓋無
不痛之處卽例証也○收靨三日此時必發熱引飲痘靨渴不
甚者只砂糖水紅花子茶可以止之而若發熱大渴月經水亦
可飲之○此時眼合者恐鬱熱生眼疾時時攀開眼睫頻通風
氣且以新汲水以紙攤點眼中日四五次每次滴三四次此法甚妙
○此時白睛上紅絲散漫中有赤之狀者痘出而然恐成翳犯
黑睛以牛旁子細末冷水作餅付額門引子上日再易之○此
時有泄瀉或赤白痢者皆濕熱而發也數日後自差不必用藥
如氣血俱熱乘其隙而發者日將加重終至難治急用保元湯
加白芍微炒白朮土炒白朮土炒各一錢肉豆蔻煨肉桂黃連酒炒乾薑炒

各七分連用數貼○此時有腹痛者用蟬退湯蟬退二十一箇

甘草一錢半水煎服或為末白湯調下

出瘧時腹痛者瘧自腸胃中出亦用此湯如

不效用木香理中湯木香人參白朮乾薑炮甘草炙各五分加

鼠粘子

研炒黃連炒酒

各五分水煎服○此時胸脇之痛在中脘近

處者是餘毒歸心也急用乳香二錢水一盞煎服只有脇痛者

由瘀血而作韭菜取汁用之○此時觸風寒胸腹急痛者候似

霍亂若以霍治之則必至大危急用消風散荊芥穗甘草各一

錢人參白朮白殭蚕

炒

川芎防風藿香

蟬退

去頭足翅

羌活各五分

陳皮厚朴各三分加柴胡七分青皮五分入細茶一撮煎服三

四貼即效

傷食痢痛亦類此証詳之

○此時手足戰掉或顫戰氣虛也用保

元湯加當歸白芍酒炒白茯苓各一錢肉桂七分○此時瘡顯濕爛

不斂治法上同更加白朮土炒一錢以差為度○此時陰囊有浮

大者瘰癧與濕熱下注而然也此症多勿藥自愈其藥消毒飲

方見上加黃芩生地黃並酒炒知母草龍膽各五分数貼甚效○此

時耽睡呼之不應勸乳食亦不肯喫病弛氣困而然也宜用保

元湯加白芍酒炒當歸身白茯苓鼠粘子研炒各一錢肉桂七分筆

一瓦糯百粒煎服氣短耽睡者亦用此藥而省多難救○此時譫語見鬼者熱也

昏昏不省者亦多熱也月經牛黃膏連用之其方朱砂礬金各

三錢牛黃二錢半牡丹皮二錢甘草一錢龍腦五分為末蜜丸

皂子大○此時吐瀉並作宜定中湯方見上盧嘔者亦效○此時

合眼者明流淚有赤白膜者可以急治而氣血未復之前輕用
泄藥非徒無益於眼患或有關於死生然亦不可等待完腹而
施治用黑豆皮菜豆皮赤豆皮生桑白皮勿用出根皮各五分水煎
調甘菊花用白菊花蟬退去翅足等分細末每一二錢服之若眼疾輕
者則服月經牛黃膏之屬亦效○凡論痘則至脹膿之時疔痘
多發於一身以黃蠟真油熔作膏候冷調石雄黃貼疔上則疔
自落矣○痂落之後餘膿間成瘡不斂以斂肌散糝之又膿
猪脂善收痘後瘡疥斂子肥散黃連黃柏地骨皮五倍子甘草等分細末乾糝之○此時痘癰
必出於關節處以鼠粘子生根爛搗炒溫貼之或黑菜赤豆
及鼠粘子同為末醋和付之或濕牛糞炒熱日貼數十次凡七

八日自消免膿矣癰已成膿以大鍼決去以紙撚心棹之貼棉

飯待其生肉○餘毒成走馬牙疳急服月經牛黃膏外以搽牙

散治之見上疳○凡痘起脹時間間發水泡急以保元加白灰

白木桂○紫疱及賊痘尤大無根即指去貼雄黃黃蠟膏或什

麻水調乾臙脂頻塗之○反眼之症或出於收靨之時上睫之

毛必倒豎或直豎向前所見異常或上睫之內有紅肉垂下惘

恍不省或狂言見鬼蓋眼胞屬脾胃是餘熱入脾胃也用連翹

石膏湯連翹石膏煨研甘草水水飛各一錢半葛根生地黃大黃山梔

各七分升麻赤茯苓各五分甘草三分加黃芩黃連並酒炒

七分輕者二貼重者三四貼甚效○已上即治痘大略傳變諸

証不能盡錄耳○金有馨曰痘家自初全不藥治延至收靨之
境危証雖出然後始為來問若氣短氣虛嘔吐昏睡不省奄奄
垂盡敗症俱見欲用他藥則別無指的之症其勢極危用人蔘
黃芪補氣當歸身補血水煎石雄黃水飛寧脾胃治瘡毒調服之試服
漸有回生者名曰四聖回天湯各三錢如黑陷加白朮二錢
一百三十七麻疹○疹証略似傷寒增寒壯熱頭痛臉赤目赤頰
紅身體疼痛又火熱太盛多咳嗽噴嚏鼻流清涕眼光如水眼
胞浮腫眼生眵眼淚汪汪惡心乾嘔恒欲飲水或痰涎吐瀉不
食大便急小便澀是疹候也初熱時先宜發散次清利次清熱
次補血雖氣血虛弱必待疹愈之後方可用補虛養血調理脾

胃之藥蓋麻疹屬陽候忽變化殺人最急決不可易而忽之經
曰痘前疹後慎之慎之○凡麻疹乃心肺六腑熱毒發自脾肺
如麻子有小顆粒遍身無空處初熱三日發出起脹共三日出
而又沒沒而又出沒一周時許重者遍身綳脹眼亦封閉有
赤白微黃色不同仍要紅活最嫌黑陷○發熱或有至七八日
而方出者升麻葛根湯加紫蘊蔥白即初起時神方必多服以
汗出疹透為度若冬月加去節麻黃升麻葛根湯方見上痘瘡凡明知疹候
而熱勢太劇者雖日服數十貼必以汗出疹發為限可也○此
時腹痛加陳皮砂仁○此時吐瀉無妨疹顆見形即用升麻消
毒飲加玄蓼一二錢其方乾葛鼠粘子研各二錢玄蓼白芍荆

芥穗各一錢防風七分甘草五分薑三蔥白二莖煎服日再三
貼過亦好○疹正出時身猶大熱宜升麻葛根湯加黃芩地骨
皮○疹未出時喘促者險升麻葛根湯加麻黃帶根杏仁帶皮甘
草帶節石膏煨○身熱色紫不分明而就沒喘急用前湯加石
膏黃芩○疹出而以手摸之色白起手即紅者血虛宜養榮湯
地黃當歸川芎白芍等分加人參黃芪甘草白朮水煎服色紫
赤乾灰燥宜益元散或芍歸芍藥紅花黃芩煎進○若疹色變
紫急用化斑湯速解治之石膏四錢玄參一錢五分甘草一錢
糯米一合煎至米熟為度○疹出三日不消乃內有虛熱四物
湯治之藥為歸芍疹消而身猶大熱升麻葛根湯加黃連地骨皮如

有失血四物加犀角汁或犀角地黄湯生犀角牡丹皮各五分
白芍一錢生芩一錢半○大渴人參白虎湯如神知母石膏各
一錢桔梗人參各五分甘草二分○總之麻疹前後燒熱不退
飲食不進等証並屬血虛血熱四物湯加減以滋陰渴加麥門
冬犀角汁嗽加荻萸仁痰加貝母陳皮實熱加芩連防風連翹以
涼其中凡汗不透燒熱不退倍加紫蘇葉葛根白芷助之當得
大汗去病如掃○疹出沒譫語宜升麻葛根湯調辰砂並元散
服○疹出沒喘嗽升麻葛根湯加麻黃沒而喘嗽涼膈散連翹
四錢大黃槐仁薄荷黃芩甘草朴硝等分竹葉五片蜜少許加
桔梗地骨皮五味子○喉痛失音喉痛宜甘草桔梗玄參甚加

鼠粘子（）聲啞宜清金降火湯當歸酒洗白芍生苾並酒炒陳皮

貝母甘草枯苓

酒炒

山梔玄麥麥門冬石膏桑白皮杏仁蘊葉黃

連等分薑一瓦

（）

嘔吐五苓散澤瀉一錢赤茯苓白朮猪苓各

五分桂一分半熱甚去桂加苓加化斑湯

方見

夏月加黃連滑

石乾嘔加竹茹

腹痛五苓散調益元散或水磨山楂子服

以上治熱盛

○腹悶五苓散加紫蘇香附

（）

泄瀉疹已出時宜黃連

解毒湯黃連黃柏黃芩俱酒炒梔子仁

炒各五分

加四苓

澤瀉赤茯苓

豬苓白朮

或人參白虎湯

見最妙

○疹沒後黃連解毒湯加導赤散

人參木通麥門冬生苾甘草等分去參無妨

○吐瀉四苓加鼠

粘子訶子

○痢疾疹出時宜黃連解毒湯加枳殼白芍藥

○疹

沒後黃芩湯黃芩黃連

並當歸酒

川芎人參青皮

枳殼

柳甘草木香

研

末臨服入如未效再調益元散服或用黃連解

毒湯○鼻口血瘀熱時鼻口血無妨而如太多當歸六黃湯一

服即愈當歸黃芩各一錢生芩黃柏黃芩黃連各七分一方等

分倍黃芩又宜升麻葛根湯加枳殼仁○已出口鼻血出宜黃

連解毒湯加梔仁童便○已沒後血宜涼膈散見加梔仁生芩

童便○牙根腐爛鼻血流急以四物湯加茵陳木通犀角外用

獨棗丹乾紅棗一枚去核雄黃小一塊入棗內燒存性為末末

汁煎湯入鹽少許嗽口擦之治不可緩或擦搽牙散○初出大

便出血宜升麻葛根湯加犀角地黃湯見○已出及沒宜黃連

解毒湯加犀角地黃湯○小便溺血宜黃連解毒湯加木通○

沒後赤濁五苓散加車前子研木通○嗽血吐血衄血失血下

血傷眼目俱宜犀角地黃湯○眼角耳中或大便出血不止逆

急用升麻葛根湯加當歸六黃散可救一二○疹後不食四物

加神麴炒砂仁炒麥芽炒煎服○疹後未服解毒清利之劑則

餘毒入胃牙根肉腐血出臭氣宜清胃散當歸身黃連夏月倍用生

芩各三分牡丹皮五分升麻一錢涼膈散外用搽牙散○疹後

瘡疥及眼疾宜黃連解毒湯加減治之○疹後咽痛極多宜練

陳湯苦練根白皮半夏陳皮赤茯苓甘草加烏梅肉山查肉使

君子肉檳榔生薑之類而治之○或病久虛寒虫動用安蛇理

中湯白朮人參乾薑炮甘草使君子肉烏梅二川椒十五粒煎

服

疹後餘熱無價散

犬糞燒或炒焦

漬溫水出汁調牛黃膏或龍腦

安神丸頻頻服之○或飲月經猪糞汁○疹初起時渴常服葱

白湯或以穀粗糠用滾水潑淋候溫飲之稍涼亦可○禁忌外

犯風寒內傷腥冷虫痰嗽或驚搐或皮毛閉塞毒氣難出遂變

紫黑而死食酒肉雞魚腥葷等物則毒入脾胃疹後生瘡癰下

流大腸為泄瀉白痢流入小腸為小水赤澀為赤痢○忌食鵝

鴨卵傷目忌食薑椒熱物口舌生瘡又忌甘甜生牙疳○凡疹

退後須避風寒戒水濕忌食雞魚鵝鴨不則終身咳嗽患風瘡傷

眼目無有愈日疹後一月切宜守戒虛者守戒百日

曾見俗方曰疹出而

熱浮於外腹中反震冷疾溫酒細細飲之則疹即順透
○已上
疹發之後亦即生口味與此禁忌有不同者可疑也

亦治疹大略見者以意參量治之可也

神仙太乙紫金丹方

山茨菰 去皮淨焙二兩○臘月其葉似韭花似燈籠色白上
得之上有白毛色裏人不可識可於有苗時記其地至秋採之
即今田野兒所謂蒜叶叶臣採而生食者類小蒜而味不辣
有粗皮和毛裏數重取而製藥隨証輒驗乃真無妄然本草云
葉如車前根如慈菰則與上所云不同本草所謂零陵園茨菰
無疑矣但其花上黑點或長苗殘花開花
有或無亦宜風土之異乎

結子 葉枯 殘花 開花

續隨子 去殼研末以紙隔以生布絞去油取秤一兩
一名千金子嶺南湖南海邊有之實小難得

五倍子 一名文蛤掘破洗焙淨秤一兩即早汁只
葉上大者如拳取至熟色黃勿用瘦黑者

紅芽大戟去蘆洗淨焙乾秤一兩半臘月採者

麝香

三錢別研○燕出多偽造不如我國所出麝子入春其膻急痛自以瓜剔去著屎尿中覆之皆有常處人有遇得乃至一

斗五升也此勝於殺取者次之心結香雖得之乾燥不可用也○乾麝香法以細繩堅結臍根割取之酒浸三日掘坑二尺許泥塗其內燒柴柴去火乘熱橫十字木於坑口懸繫垂下以瓦盆覆之經宿待乾取出以蛇蛻皮裹之香氣殊勝於他麝多產西域界

右除續隨子麝香外三味為細末却入研藥令勻用糯米煮濃

為糊於木臼內杵千下合時宜用端午七日重陽或天德月德

日亦佳要在淨室焚香至誠修製毋令婦人雞犬見之杵後重

略為十四兩三四錢分為八十粒陰乾一粒重一錢一劑八兩

此其大略也

此方加雄黃朱砂為樞丹而莫如單製

此藥甚堅強未易磨須用細

鎊鎊之和水用之每服一粒空心下侵晨早服見效尤速通利

一兩行無妨只用溫粥止佳此藥隨手取應萬無一失但孕婦
不可服氣弱老幼量宜服○治一切藥毒蠱毒瘴氣狐狸毒喫
惡菌河豚牛馬馳騾等肉一切飲食毒用凉水皆用井華水磨
搽與搽同
摩拭也○蛇犬蜈蚣一切惡虫所傷者並用冷水磨搽傷處
○湯火燒者東流水磨搽傷處○登高墜下打撲傷損以炒松
節入酒湯用○癰疽發背疔腫一切無名惡瘡未破之時用冷
水磨搽痛處並磨服良久覺痒立消○諸風癰疹赤腫諸瘤小
兒急慢驚風八疳五痢脾病黃腫並用蜜水研生薄荷一小葉
同磨下並搽如無生薄荷
乾者煎磨用如小兒牙關緊急磨搽一粒分作三
服量兒大小與之○牙疼酒磨塗及含藥小許吞下○陰陽二

毒傷寒心悶狂言亂語胸膈壅滯邪毒未發及四時瘟疫感冒
風寒頸風寒熱鼓脹浮腫急喉閉纏喉風用涼水薄荷一小葉
同研下○諸般瘧疾不問新舊臨發時槐柳煎湯磨下屢試無
不愈酒服乃愈○男子婦人急中及顛邪喝叫亂走鬼胎鬼氣
神迷譫語並用無灰煖酒下○自縊死溺水死心頭微溫者及
夢魘驚死鬼迷死未隔宿者並用冷水磨灌下良久復甦○諸
般癰疾及卒中風中氣中惡胸腹卒痛口眼喎斜唇眼掣眇夜
多睡涎言語蹇澁口噤車差牙關緊急筋脉攣縮骨節風腫手
脚疼痛行止艱辛應是風氣熱酒磨下○喻良能云素丞相傳
此以為濟世衛生之寶凡人民家或出入不可無此藥也毒藥

最多於嶺表若將嶺表纔覺意思不快便服之即安二廣山谷
有草曰胡蔓草若以毒人急水吞之急死緩水吞之緩死又殺
毒蛇以水灌之數日菌生其上取為末調酒以毒人始似無患
再飲酒毒發立死若覺中毒四大不調即便服之或於雞豚魚
羊鵝鴨等肉內下藥再食此物觸發其毒急服此一粒或吐或
下便差昔一女子久病癆瘵命在朝夕為血尸虫所噬磨一粒
服之一時間吐下小虫千餘大者正為段段後更服蘓合香元
半月遂愈○今按此藥功效不可枚數姑舉一二僕初劑此藥
內第權叔均掌上有風腫數年服之立消康興海伯珍脇下暴
腫一夕如盂雞鳴磨服祠下四五度未朝而愈有孫萬戶者耳

幾八十卒中風語澁心癡服此即差尹永川壽泉妾得腹癰諸
醫束手試服之立愈族人南美終適身瑞灼縣吏金堅兒子火
燒指臂並幾死依方磨搽有頃黃水流出血愈老吏金春中風口
噤全身不遂三年試服之雖未永愈語音乃通引聲為謠起而
行步記官金戒章發背腫大如鉢邊厚而色黑乃服兩粒立消
族人權寅妻路上卒中惡而絕服此即甦其餘患瘡癰瘡腫癰
瘡得我而全者甚多信乎在家出入不可無此藥也茲不可不
傳乃書顛末並圖以茲茲入梓流布云弘治丁巳端陽節慵齋
李宗準仲鈞識





